

湖南苗防屯政考

7邊4
1992
8



門 7 4
第 1332
卷



湖南苗防屯政考卷六

二品銜前署湖南辰永沅靖道但湘良纂

均屯二

稟辦均田屯守酌議章程三十四條並清摺

嘉慶五年

鳳凰 同知 傅 爾

敬稟者竊照^卑廳上下五崗十一約地方原係土司所轄康熙年間始改土歸流逼近苗巢並非苗地乾隆六十年苗變之後所有各約民村盡被苗人佔據雖經廓清恢復招集民戶修立堡堡給發鎗械口糧牛具籽種暫令通力合作而匪苗仍復阻耕奪牛焚掠不已遂於各要隘地方安設礮卡哨臺嚴密防維難民始得安

湖南苗防屯政考

卷六

均屯二

一

居復業竊以

國家經費有常雷防兵勇勢難久駐一經裁撤則礪卡空虛苗匪仍可肆志因諭令該士民等早爲酌籌必須自相爲守嘉慶四年五月內該士民等以兵燹之後民弱苗強匪徒時懷侵擾之心惟恃此沿邊礪卡緊嚴以爲保障將來撤防匪苗又復出而蹂躪不惟田地仍爲苗有卽身家墳墓亦皆不保並致波及後路遺害無窮此時通力合作在田少丁多之戶固無不樂從而田多丁少之家則未免缺望是以公同定議情願將各戶所有田畝每戶除每男一丁畱養口田種三斗女一口畱養口田種一斗外其餘之產再畱十分之三均出十分之七以爲養勇守邊永遠防維之計此上

五崗七約均田之原委也其下五崗四約內相近麻瀘之溪口麻良二約亦係照上五崗辦理惟貼近苗寨之都吾務頭二約田地盡被前右二營花黑等苗強佔結寨居住抗不遷移所安民墾屢被攻燬不惟不容民戶歸復並赴後路縱掠愈侵愈遠卽沿邊營汛皆有難以存立之勢該民戶等知該處苗情最爲克橫萬難復業並知此一路所安礪卡哨臺較之南路增至數倍需人更多田少豈敷分給是以情願將所有該二約田地全行呈出充公此下五崗溪口等約田畝照例均出而都吾等二約田畝盡行歸公之原委也卑職反覆籌思苗疆久安長治之策舍此實無他圖查各該約民戶前次突遭苗害多被夷傷地畝荒蕪耕耔難徧且苗疆

錢糧甚少多係將無糧山地開墾成田當此之時本應清查辦理
今該士民等深知事勢各思保護身家不敢自私已業自應如其
所請此舉上五崗七約及下五崗溪口麻良二約富戶出地貧戶
出丁貧民獲有棲耕之所富民資其捍衛之功誠彼此相需兩有
所益下五崗之都吾務頭二約其地近接強苗屢得屢失民戶斷
難存立現在雖將地畝全行歸公屯守而各礮卡哨臺內所駐丁
勇多係該二約民人是名爲充公實則仍係伊等屯種在民戶所
捐者少所益者多而永資捍患實爲苗疆要務其各營兵丁田產
似與民業不同本欲另爲酌辦 富鎮臺以禦侮安邊兵民一體
不便稍有歧異且必使兵民輯睦方可眾志成城其在大漢等九

約者令與民人一律均出其在都吾等二約者亦皆充公以歸畫
一卑職 傳集各約士民等於公所復加妥議並具各結存案一面
令其將均出呈出各處地畝分約分團查造地址清冊因此間田
地只論籽種若干不知頃畝之數今會同署永州府通判候補理
問姚興潔陞任宜章營參將王文選逐一丈量照漕尺弓步折算
現計可得田地二萬畝惟是沿邊一帶計長二百餘里連裏圍各
路共有礮卡哨臺八百餘座除本營兵丁分駐外現有畱防外營
官兵二千五百餘名鄉勇三千六百餘名又有貼防丁勇四千九
百餘名共一萬一千餘人將來撤防之後再除鎮守新添兵八百
名頂駐外其礮卡哨臺尙多極少亦必須五千人方敷分守而匪

苗狡悍時復窺邊並需另選精銳備戰勇丁一千名以資援應共需勇丁六千名內有總散行營督陣大小旗等名目每名給地四五六七畝不等計需地二萬八千餘畝現在所有田地甫及三分之一僅敷分給四千餘人再得田地八千餘畝沿邊戰守各丁方可一律屯種卑職惟有設法辦理以副 憲懷再每歲應需子藥及遇警動堵截追擒需用行糧鹽菜恤賞及專司經理辦事出力之總聖頭及帶傷廢殘之勇丁陣亡之子弟亦須各給田畝以資養贍必當另設公田六七千畝方敷辦理急切殊難計及只可隨時設法稟請 示遵現在稟商本道會同委員就所有田地先行逐處劃分撥給各勇丁並籌給牛具籽種令其乘時翻犁以備春

耕如果明歲豐收足食即可次第減撤防兵以節糜費除俟辦理完竣再行造冊專案具詳外合將分田屯守一切事宜逐條酌議章程開具清摺稟呈 鈞案恭請 訓示遵行所有辦理緣由伏乞 憲臺察核先行入 奏實爲公便

謹酌議章程三十四條

計開

一上五崗大漢木林都羅治牙都同黃羅水田七約下五崗溪口麻良二約及本城應均田地各民戶每男一丁畱養口田種三斗女一口畱養口田種一斗其餘之田再畱十分之三均出十分之七各該戶實有田地若干分別畱養口存三分之外將所有應均

田地著落總散垵頭保甲人等按約按團將坐落地名坵段種數開造清冊呈送以憑查丈如內有隱瞞不報及詭名寄托並聞知均田私行當賣與苗人及隔屬民人等弊續後查出仍將田畝全行充公

一下五崗都吾務頭二約田地全行歸公亦著落總散行營及垵頭保甲查明坐落地名坵段種數造冊呈送如有遺漏隱寄等弊將來查出除將田畝充公外將該行營等重究

一禦侮守邊兵民一體本城及大汊等九約內所有兵產亦照民戶之例除養口存三外俱行均出其在都吾務頭二約者亦概行充公以昭畫一兵丁如有革退願歸礮卡者亦聽其便將來勇丁

缺出兵丁子弟亦與民人一例頂補但兵丁各有汛守日日差操不能如民人尚可別圖生計如有田在都吾等約均已充公而該丁又無子弟歸礮領田者每名准於後路撥還田種之三聽其標種收租以資貼補

一民人有田產當給苗人者概經廳員備價贖回充公業戶不得再行理贖各戶均出田畝內有重典重當者俱已隨時查明斷結嗣後如有復行呈契認產者概不准理均行責逐

一各戶概將田地均出呈出所有各項契紙俱令呈繳其有分關總契尚須執業不便存官者亦經稟請官爲批明發還並於檔內註明立案其有實係苗變時焚燬遺失者均令該約總垵頭查明

出具切結並令該戶開單具稟存案嗣後如有檢出原契者仍應隨時補繳倘敢混行執契認業定予重究

一本城及上下五崗沿邊裡圍運道各路現共建礮五百四十六座卡一百零二座哨臺九十九座關門十九座又擬補修哨臺五十座各營本汛官兵派駐外將來撤防之後計需派駐勇丁五千名方敷分守此項勇丁卽於現在鄉勇及各壯丁內詳加挑選務在十八歲以上三十歲以下心細膽壯技嫻力健者方准充當一沿邊礮樓哨臺內派駐勇丁爲數不多卽各卡內所駐亦不過數十名僅能自守並鄰近各礮卡有事聞聲應援勢難遠離今另於舊有鄉勇內挑選精銳一千名作爲備戰勇丁以五百駐劄上

五崗適中之新場堡交廳標外委管帶以五百名駐下五崗緊要之同全坡交廳標把總管帶勤加訓練上五崗地方有事新場堡之勇丁馳往應援下五崗地方有事同全卡之勇丁馳往應援倘有苗匪闖入各該勇丁等跟蹤分擊分佈搜山凡沿邊各處情形緊急之時本處兵勇不敷堵禦廳員卽將備戰勇丁隨時調往接應如有積惡苗寨必須懲辦者亦卽帶往鵬勦此項勇丁訓練堵禦業已數年於邊地路逕苗情均極穩熟必能得力但專爲防護苗疆而設且俱係本地及麻瀘永保民人屯田自衛不惟非兵丁可比並非屯兵堡卒可比如遇遠處出兵不便調動一每勇丁十名內點放小旗一名五十名內點放督陣一名大旗

一名行營一名一百五十名內點放總行營一名畀以責成而資管束共守邊備戰勇丁六千名內總行營四十名行營大旗督陣各一百二十名小旗六百名勇丁五千名該行營大小旗及散丁等如有勤能奮勇者遇有缺出准其遞相拔補以示獎勵倘怠惰誤公卽行斥革

一苗疆田地向來只言田種斗石若干不知頃畝之數今逐一用漕尺步弓丈量計籽種一斗約折實田一畝五分勇丁五千名每名給種三斗折田四畝五分共給種一千五百石折田二萬二千五百畝小旗六百名每名給種三斗五升折田五畝二分五釐共給種二百一十石折田三千一百五十畝大旗督陣各一百二

十名每名給種四斗折田六畝共給種九十六石折田一千四百四十畝行營一百二十名每名給種四斗五升折田六畝七分五釐共給種五十四石折田八百一十畝總行營四十名每名給種五斗折田七畝五分共給種二十石折田三百畝共計需田種一千八百八十石折田二萬八千二百畝

一勇丁等應分之田自應將附近各礮卡哨臺者撥給承種但礮卡哨臺多而地窄附近之田其勢不敷分給只可於後路酌量撥補其田距邊較遠勇丁不便往種聽其或佃給貧民或自令子弟親赴後路代耕皆從其便惟需嚴查不得任意私行得價典當如有此等弊端查出除將勇丁革究並將該管之總散行營大小旗

重處外仍追價充公並將混行當受田地之人責處追還租息其田地逼近苗寨者著各該苗弁具保佃給苗人承種稻穀民苗各半分租雜糧民三苗七分租至勇丁或有不願充當者亦准其呈明退役另行驗充如有私行頂缺者查明一併重究

一給各礮卡哨臺之田俱係整段撥給該勇丁等應如何分種之處令各總散行營大小旗會同各處約總垵頭等秉公劃分稟報備案

一附近礮卡之山地酌量撥給該勇丁等公同種植雜糧蔬菜添補丁眷口食並作牧放埋葬之用

一各該勇丁秉耒荷戈終年勤苦其一秋所獲以資全歲之糧但

該勇丁等賢愚不一恐有不知節儉者稍有蓋藏卽賤糶濫用迨至青黃不接遂有枵腹之虞應將所收稻穀每名提出十石存貯公倉交該總行營管理每日給穀二升按旬支收以資口食計全歲需穀七石二斗尚餘二石八斗查各該處礮卡房屋俱係廳員建修該丁之牛具籽種器械皆係廳員製備發給授田之後所有礮卡哨臺牆濠房屋械具遇有損壞卽令該勇丁修整牛隻倒斃亦令該丁等公同買補應需之費卽於該丁口糧餘剩穀石內動用該總營按月據實報銷如有多餘以備下年盈絀相牽免致掣肘其各丁應交穀石如遇旱潦不能繳足准其以雜糧抵交

一各勇丁每名分田四畝五分苗疆山田瘠薄僅種穀稻所收無

多單丁尙可敷用有家口者卽難度活責令各丁佈種春麥秋菽
並一切雜糧蔬菜以資補濟可免拮据所種麥菽於收穫之時令
其呈交十分之二存貯公倉以爲添製軍裝棉襖及號帽號掛之
用

一設立聯二印票一簿將某處田地若干分給某礮卡哨臺勇丁
承種之處明晰填入票內每處截給一紙俱交該總管行營收執
並取該處行營領結一紙與票根一同存案各礮卡哨臺所分之
田原係何人均出之產坵段若干計種若干亦開造細冊二本一
給該總行營執據一存廳備案
一各礮卡哨臺勇丁造具花名總冊一本如有頂補卽於冊內註

明某丁係何年月日頂補某丁之缺以備查核

一各勇丁或因何事斥革或年逾五十應行退出或病故陣亡遇
有缺出令該約團總散聖頭保甲於各聖壯丁內挑補先儘均田
最多之家次儘陣亡帶傷子弟再次儘曾經出力之人保送須擇
其年力精壯而勤謹者方許舉送選定之後仍須會同該管總散
行營大小旗出具保結呈送廳道驗准通報立案

一各勇丁如禦賊陣亡傷亡及出力後病故者所遺之缺若該丁
有子弟業已成丁鎗械熟習卽准其保送考驗頂補如年未及歲
或年雖及歲而身小力弱技藝生疎者均不准補充交各該總聖
頭歸入餘丁項下給田養贍

一遇有警動各丁奮勇堵禦殺賊一名賞銀五兩生擒一名賞銀十兩奪獲婦女一口賞銀二兩牛一隻賞銀一兩衣物一包苗槍一桿賞銀五錢帶頭等傷賞銀十五兩二等傷賞銀十二兩五錢三等傷賞銀十兩陣亡者賞銀二十五兩因傷身故亦照陣亡之例給恤其平時病故者賞銀二兩

一備戰勇丁調赴別約地方堵禦每名每日發米一升鹽菜銀二分小旗米一升銀二分五釐大旗督陣米一升銀三分行營米一升銀三分五釐總行營米一升銀四分

一各處田地分給勇丁俱按照礮卡哨臺挨順編立字號造具鱗冊以備稽查如該勇丁等有勤儉居積自買民人田地者係屬該

丁私產應聽其自行管業不得收入官田數內

一礮樓哨臺只能在內守禦不能居住家口安放什物每礮樓哨臺十餘座另爲建立一卡俾勇丁之眷口俱在卡內居住糧食牛具俱有安頓之所各礮勇丁分爲兩班上班者在礮防守下班者回卡照料挨旬替換以均勞逸

一沿邊道里綿延礮卡繁多不惟廳員一人耳目難周卽廳把總外委二員每員分管數百座亦難兼顧應令各汛員弁幫同稽查管束視兵勇爲一體凡有差操懶惰誤哨誤更擅離礮卡賭博酗酒交結苗人一切不遵教令等事務須就近一面訓斥嚴行禁止一面移會廳員查明懲治

一酌量地方之夷險或七八里或四五里以礮卡哨臺二十餘座爲一段每總行營一名分管一段所有此一段內一切事宜責成該總行營經理如有錯誤將總行營重處

一各勇丁專爲守邊而設技藝不可生疎一遇農隙卽須操演務令技嫻膽壯進退有方至秋成之後除每礮卡俱按一四七日自行操練外仍令半月一次每段各礮卡眾丁合操令該管總散行營及各礮卡大小旗教習並令廳標把總駐劄同全坡卡專司閱看下五崗操演之事外委駐劄新場堡專司閱看上五崗操演之事令該弁等梭織往來勤加稽查妥爲訓練廳員會同將備不時親往考察倘有生疎懶惰惟該弁及各該行營大小旗等是問其

勇丁有不肯率教及愚蠢懶惰該弁督責不改者卽稟明斥革

一沿邊地方緊要苗情叵測不可以情形安堵防範稍疎凡遇農忙耕作之時每礮卡哨臺勇丁一半力田務畱一半放哨守望以防匪徒乘虛潛入一有警動眾勇丁一面向前堵禦一面保護婦女牛隻歸卡吹角放鎗招呼鄰近礮卡應援如有慌張奔避及不相援救者查出重處並將行營大小旗等分別斥革插箭柳示如遇左近場期礮樓哨臺內只准一二人趕場卡內亦不過酌令數人趕趁不許多人遠出其出外者仍須迅速趕回不許逗遛延久再該勇丁等專以耕作防堵爲事無事之時只許在本卡開鋪營趁及附近數里內挑賣柴草不許遠出貿易房屋倉廩俱燒瓦蓋

造卡內不許搭蓋草棚每夜礮樓哨臺以五人輪流守更其卡內有門樓礮臺望樓幾座每夜派勇丁五人擊梆防守按更替換行營大旗輪班查點如敢違誤卽行斥革

一凡春種秋收農忙人倦及風高月黑隆冬雨雪一切緊要之時各卡行營大旗酌量派帶勇丁於各管地段內往來巡哨勿任意誤如有匪苗潛行偷越定須查明係由何處闖入除將該礮卡哨臺值更巡守各勇丁革辦外仍將該管總散行營大小旗重究一每逢場期准令民苗兩相交易各卡門務須查明不准苗人混帶鎗械進內民人及勇丁等與苗人買賣須皆照時價公平交易不得欺騙肇衅各汛員弁親往彈壓倘有滋事者立即嚴拏重究

一該士民等捐產充公並能出力隨同辦事雖爲保護身家起見而本地及後路地方皆受其益查該士民等均出呈出之田其價值數千兩至數十兩不等不避艱險不辭勞瘁黽勉急公俱屬深明大義甚爲可嘉必當量加獎賞應按照均田之多寡出力之等差分別等第專案詳請 奏明懇

恩將

均田之價在三千兩以上者酌賞職銜一千兩以上者酌賞頂戴五百兩以上者賞給匾額以示獎勵其頭等出力者賞給頂戴次等出力者賞給匾額其餘在事之人及均田價值在五百兩以下者均予勒石畱名以垂不朽

一各戶均出之田多係當得之產苗疆田地如值銀十兩當價不

過六七兩或五六兩不等本業戶既可照價贖回並多係自行佃耕每年仍可分一半租息其業並未杜絕茲經均出充公給勇丁承種既不能贖取又不能佃種分租是該業戶竟以半價棄產而又不能居急公向義之名未免稍有偏枯今將各戶均出當得之田查明係何人出當其田價值若干除去當價外餘銀卽作爲業戶捐出亦一併計數與均戶一同核計多寡分定等第請予獎賞一鳳凰廳每年應完額糧一百六十六兩零今田畝多已充公應將所有糧銀亦卽扣算清楚計屯田應完糧銀若干於另籌公田租息項下每歲照數完納

一右營紅樹坡一帶係匪苗出擾瀘屬都蠻等處要道茲籌密安礮卡爲都蠻等村收養人口代割墾堡給與械具牛隻籽種口糧又爲蓋造瓦屋兩年代納糧銀該民戶頗知感發並知紅樹坡至礮臺坡一帶皆係荒山無田可耕情願將伊等各村之田亦照例均出現在鳳凰廳充當鄉勇者多有瀘屬民人及都蠻各村壯丁請將此項勇丁派往紅樹坡一路卽將伊等所均之田給與屯守是此一路係以瀘屬之田給瀘邑之人承種自保地方自應如其所請其應完糧銀每年亦於鳳凰廳公租內代爲完解其田則登入均冊內一律詳咨將來此一路勇丁缺出當令都蠻等村民人頂補以歸公允

一勇丁年過五十應行裁退者又無業老弱孤貧無可歸依者又

陣亡及病故勇丁之子弟均應酌給田畝以資養贍又上下五崗各約設立塹頭以資管理一切邊防屯務必須擇其公正者充當不便令其枵腹從事又終年防守應用子藥火繩並遇有警動應需行糧鹽菜賞恤及完納錢糧一切公用爲費不貲必須另籌公田歲收租息以資辦理統俟籌出田畝再行定議

一苗疆地方水田既少現在充公皆係旱田山地勇丁得田四畝五分卽豐稔之年所收稻穀不過十三四石若所收之田距礪卡稍遠不能親自耕種者又須標給貧民僅能對半分租所得更爲無幾令其再三撙節僅敷一歲之糧倘遇旱潦不齊卽難足食且一逢歉歲窮苗愈多防守更爲喫緊眾勇丁等枵腹荷戈何能固守必須預爲籌貯一年之糧以備荒歉戰守各丁每名每日食米一升一年需米三石六斗以六千人合計歲需米二萬一千六百石合穀四萬三千二百石爲數甚多殊難措辦查附近苗疆之後路各縣地方實賴邊勇出力防維方能安枕似應共議相幫眾擎易舉俾得有所積儲庶可有備無患也

湖南苗防政考 卷六
分田之勇丁四千名應需牛八百頭犁耙八百副鋤鎌釘耙等具
四千副籽種一千二百石倉房牛圈各四百間現當春耕之時牛
價較昂每頭約需銀十二兩犁耙一副需銀一兩有零鋤鎌釘耙
等具一副需銀六錢零籽種三斗需銀五錢倉房一間牛圈一所
共需銀二十四兩總共需銀二萬四千四百餘兩又各卡勇丁現
俱搭棚居住不足以蔽風雨而處處逼近苗巢更恐匪徒乘間拋
擲火彈各勇丁既須力作又須防維已屬辛苦再不獲安居焉能
存立必須一律修葺瓦屋俾得依棲共計勇丁六千名擬以兩名
各住一間應修屋三千間每間與兵房之例估銀十二兩計需銀
三萬六千兩除尚未分田之二千人俟麻瀘等處均出田地另給

牛具籽種倉圈尚約需銀一萬二千餘兩外現在應辦四千人之
牛具籽種六千人之房屋約計共需銀六萬零四百餘兩伏查向
來出借修費牛具籽種等項例有定數而現在估需之項未免太
多但尋常水旱災荒照例借給之數原屬不敷有業民人究可自
行添備以圖復業歸耕今苗疆各勇丁皆係無業窮民及於鄰近
各縣招集之人數年戰守一身之外毫無餘貲一切斷難自備必
須仰藉於官若不逐一核實辦給則不能耕耘而屯務勢難興舉
是屯田耕守所以寓兵於農乃苗疆久遠防邊之計迥非安集災
黎可比必爲一一經營締造俾有恆產方可責其盡心堵禦永靖
巖疆基始之謀實不得不求周密至此項經費不惟礙難報銷亦

難籌款現蒙 奏明暫為通融撥借辦理謹遵照 奏案仰求
 俯賜施行借撥銀二萬兩飭發下廳俾得先將牛具籽種趕緊辦
 齊按名給分得以即時耕作不致有誤農時仍自本年八月秋收
 之後起每月於應發 卑廳經費內扣銀二千兩扣至明年五月即
 可清款至房屋修費及其餘二千入續籌出田地應給牛具等項
 所需銀兩尚可稍緩容俟 卑職 另為隨時設法措置總期於二年
 內次第辦理完善得以如期撤防除另備印領申齋外肅此具稟
 伏乞 批示

稟暫挪領建兵房並寄庫營餉先行墊辦牛具籽種嘉慶六年

鳳凰傳 同知 龔

敬稟者碉卡屯田為苗疆撤防地步亟須趕緊辦理若春耕一誤
 則屯務又須延擱一年所關甚大此時節屆清明各處田畝均已
 翻犁所有勇丁應須牛具籽種斷難再緩 卑職 數年以來籌辦各
 項邊防事宜並未敢請領款項負累已重實屬力盡筋疲不能設
 措此項經費因蒙 奏明暫為通融撥借是以具稟請領刻下農
 時已迫若俟發到銀兩始行備辦勢有不及且今歲黔省牛隻甚
 少購買尤難 卑職 已將前領建造兵房之項並寄庫營款暫為動
 墊辦理但兵房節奉 檄催亟須興修而餉銀下月即須給散均

屬緊急惟祈 俯賜恩施准將前項銀兩卽爲飭發俾得歸還緊款實爲公便

（此處為多欄空白或極淡之文字，內容難以辨認）

稟設立公所選派員役辦理屯務

嘉慶六年

鳳凰傳

鼐

敬稟者竊

卑職

具稟各廳縣邊備屯務酌擬添派委員分授辦理

緣由前蒙

督撫

憲批示遵卽轉移文武員弁各照指定處所協力

遵辦並具文申報在案伏查屯田修邊各務頭緒紛繁其各戶丁口產業及各地地方情形必須本地士民保甲人等隨同查察方可澈底清釐不致弊混又丈量田地之弓算繕寫文冊之書手並傳喚奔走之差役皆所必需卽各處委員亦應使有停駐之所而各項冊檔卷宗尤應有歸貯之處庶免遺失必須設立公所分撥人役方能辦理

卑廳屯田事務前與姚署倅議定後已於本地及新場二處各設公所派撥衿士墾頭保甲弓算書役人等承值現今

添派之員弁幫同查核經理一切修造房屋倉圈買給牛具籽種等事均可督催無誤卑職遵奉 奏委總理邊務所有各廳縣建堡修礮均田屯勇諸務同時並舉加以永綏保靖乾州古丈坪等處尚有借款應由卑職代爲具領並核發工程價值批給各委員赴領銀兩事件尤繁茲另於鎮筵設立總理邊務公所選派諳練書役分立卷案隨時登記仍責成幫辦卑職廳屯防之委員署經歷呂若川等就近稽查督率乾州之廳城及瀘溪之苟爬巖麻陽之巖門三處亦已設立公所遴派各色人役分交各委員帶同辦理其永綏公所不日卑職前往會同王丞酌籌亦得照依安設查屯防邊備辦理需時各衿士望頭保甲書役人等勢難枵腹從事必

須按名給與鹽糧工食以資辦公尙有硃紅紙張筆墨油燭等項並遇有差遣給發盤費一切皆不可少此等用款勢不便於借領項下支銷卑職惟有設法措籌按月按名給發總期公事得資趕辦不致延誤以副 大人諄諄委任之至意所有分立公所選派人役各緣由合肅稟 聞

稟請飭令乾瀘二廳縣會辦均田嘉慶六年鳳凰傳三節

敬稟者竊照卑廳地方建立碉卡辦理屯田各事宜節經具稟諒邀鈞鑒查瀘溪縣屬之都蠻利略等十七村相隔該縣一百五十餘里與卑廳下五崗都吾約之紅樹坡鐵虎哨等處緊相連接距邊甚近其田地村疇前此黑苗佔處人戶均皆流散嘉慶二年九月內卑職奉成前道飭委安設裡圍苟爬巖一路卡座有該村民人等到卡懇請再四就近安插卑職當經帶領勇丁將各該村地方逐一清釐發給口糧鎗械令其割屯自守乃屢被匪苗攻擾其民戶一半逃赴芷江縣之榆樹灣一半奔至鎮城又經卑職將其壯丁挑充鄉勇駐劄苟爬巖其老弱婦女給糧養活三年四月

以後又經屢次代爲安割奈因沿邊一帶尙未修建礮卡道路如梳匪徒不時闖入焚掠不能立腳直至四年夏間沿邊隘口日漸緊嚴匪徒不能肆行出沒卑職派撥隊勇於各該處分布放哨始將堡壘一一修築復給鎗刀子藥俾資固守屢有匪苗潛往滋擾節經卑職派勇應援不致疎虞民心始定五年春間沿邊礮卡益密加以壕牆防範周而凡在內地盤踞之苗人全行歸寨其以前逃往榆樹灣之各戶均爲陸續招回諭令將所有田畝通力合作各民戶等復以流離之後力盡筋疲不能措辦牛具而堡內盡係草棚恐匪苗黃夜擲火懇求給與牛具瓦片俾得棲耕又經卑職發給牛隻瓦片令其乘時修屋併力勤農旋據該各民戶等稟稱

民等前者地爲強苗所踞不惟人口無所依歸而祖宗墳墓皆慘遭發掘今賴修邊禦侮得歸故居長保身家復修邱隴並蒙代修壘堡房屋發給牛具籽種鎗械口糧得以耕守今鳳凰廳之邊勇履險憑危士民捐出業產共樹藩籬而民等安享其利於心不安願將田地收獲穀石交出十分之四以爲養勇守邊之資等情並出具切結前來查該處民人被匪苗侵擾卑職節年代爲安插除隨時給發銀兩接濟並代納錢糧不計外共給過口糧米八百零二石鎗械七百七十六件農具五百五十七件耕牛一百五十六隻瓦片一百餘萬因該處地當緊要是以不分畛域不惜多費安爲安頓核之卑職廳本屬民人尤爲加厚今該民等既願分租給勇

原應准其所請但卑廳民戶均係均田而都蠻等村交納租穀既屬兩歧且礮卡屯田乃永遠守邊之計交租之事勢難長行經理不得其人必然中止該處情形與都務頭二約相似雖不能將其田地照此二約全數充公亦當酌畱養口田畝其餘俱令均出現今自沿邊紅樹坡至礮臺坡一帶係匪苗出擾瀘邑之要道都蠻利略各壘堡首當其衝該處盡是荒山無田可耕而都蠻村無業丁壯及瀘邑民人多有在卑廳充當鄉勇者將此項鄉勇調赴紅樹坡至礮臺坡一路防守即將都蠻等處均出之田湊給該勇丁等就近承種以資捍禦是以瀘邑均出之田給瀘邑民人承種守邊自衛實屬兩便以歸公允卑廳境內沿邊二百餘里一律安

設礮卡均田屯守足以堵截匪苗而乾州自灣溪由捧捧坳至強虎哨一路雖有礮卡尙覺稀疏不惟右營苗人得以由彼出沒而乾屬匪苗亦可乘隙效尤須將該二路添修礮卡仍於強虎開築牆濠以期一律周而乾州南鄉地方前被右營匪苗盤踞結成寨落雖經阿協趙丞招集各戶割立壘堡設法撫馭煞費經營而外無捍蔽屢遭擾逐民不能安非右營邊汛堵禦嚴密民人安能復業亦當各矢天良同心捍患以圖永慶救甯三礮臺強虎二路原有礮卡均係畱防兵勇駐劄今又添修礮卡需人更多若不早圖將來畱防一撤礮卡仍屬空虛計該二路約需勇丁五百名即數分守應令該廳南鄉民人亦照式均田給勇屯種俾得一同固守

庶可無虞前此近邊各處貧民因屢被苗擾多將田產賤價典賣與各大戶及後路民人今均田之舉在貧民復能得地固無不踴躍歡欣其大戶之深明大義者皆知田地不均則邊防難固邊防不固則仍難久安自亦當情願捐產辦公用資保障惟是地非卑廳所轄勢難越俎如蒙 大人飭令該廳縣會同卑職速爲照辦可冀有成而邊徼永蒙樂利之庥於無既矣再查 卑廳沿邊各路戰守勇丁六千名計需田地二萬八千餘畝方敷分給現在各民戶均出呈出之田甫及二萬畝僅能撥給四千餘人尙有一千數百人無可安置加以子藥行糧賞恤並贍養餘丁等項又需田六七千畝今都蠻利略等村均出田地約計不及千畝只能撥給紅

樹坡至礮臺坡一路勇丁承種其餘所短尙多竊以瀘邑之天塘踏虎等村及麻邑之譚公冲巖落寨等處共計八九十垵皆係卑廳代爲修復並給鎗械口糧其情形與都蠻一帶實屬相同如能一律酌均眾擎易舉則屯務可資妥辦矣肅此具稟伏乞 鑒核

農民均輸田畝去後旋據卑職廳東西北各鄉居民以距灣溪強虎哨甚遠伊等並非官爲資贖復業之田不願均輸又據南鄉居民以灣溪雖距南鄉稍近但灣溪強虎哨等處俱係鳳凰廳所管地方建有礮座現在卽係該處汛兵協同彼地居民防守數年來亦安靜無事卽欲均田屯勇只可就灣溪強虎附近之鳳凰所管田地派均其伊等田地均祖遺有糧之業並非拋荒無主又非官爲資贖若均乾屬之田守鳳屬之地伊等俱非心願且南鄉並無殷實富戶如必抑勒派均窮民失業恐致滋生事端倘乾屬防兵裁撤伊等願代充勇聽候調遣守禦乾屬邊界各等情紛紛具稟前來並據東北鄉民人張永楷徐啟琳等以前情赴 撫部院轅門

具稟批行會協確查在案

卑職

伏查乾隆六十年苗變破城戕官

荼毒生民惟乾州廳被害尤甚嗣經大局戡定

卑職

嘉慶三年八

月抵任維時無業匪苗猶復時出竊掠滋事

卑職

與乾州阿協鎮

河溪營張遊擊撫綏招集於前任趙丞修建石堡四座土堡三十座之外又添建石堡十三座使民居堡內給以器械軍火守望相助其要隘處所先後建立礮樓礮臺共三十四座安設兵勇守卡截其來路居民得以漸次復業又羈縻窮苗給以土塘工食其民田附近苗寨之處許令窮苗向民人佃種秋收平分籽粒自嘉慶四五年以來民苗日漸相安民人藉有城堡器械亦各勇往捍禦是以乾屬左營苗寨俱皆馴順間有一二匪苗潛出竊掠然亦旋

海南首陽中正考 卷六
被兵勇居民擊退無所掠取本年自夏秋以後尤爲安靜無事現在鎮筸右營寨苗均各以糧食貨物遠赴乾州市集發賣民苗彼此並無疑忌此苗疆自畱防以來惟乾州廳經費減省而地方甯謐之情形也就卑廳大概而論苗人一經懲創即便安靜其伎倆不過如此乾州卽不均田屯勇現在兵民亦足以相交爲守是卑廳與鳳凰廳情形各有不同惟前 制憲據鳳凰廳所稟 奏請令乾州一律均田屯勇查鳳屬均田民人出於情願行之自無窒碍惟將灣溪強虎等處列作乾州所屬請令乾州一律均田查自二礮臺三礮臺灣溪強虎哨營汛雖係乾州協所轄而其地方民人則係鳳凰廳所管在文武各官控馭苗夷原不必各分畛域而

小民事涉趨公則必藉詞規避况原奏內稱係民間情願捐輸自不便於抑勒均派茲據各鄉居民或以貧窮不願均輸等情具稟卑職若復執定勒派捐輸以甫經復業之貧民復令其棄業失所或致激成事端則卑職難辭其咎若俯如民人所請免其均輸又似與 奏案不符事處兩難不得不據實直陳理合肅稟 憲臺俯賜察核 批示遵辦

業恐致滋生事端倘乾屬防兵裁撤伊等願代充勇聽候調遣守禦邊界並以乾州本年夏後安靜無事即不均田屯勇現在兵民亦足交相為守等語卑職伏查乾州南鄉地方嘉慶二年戡定以後仍被黑苗佔據前經趙丞於該處建築礮卡招集民人復業屢被匪苗擾掠不能安居嗣經阿協趙丞酌安卡隘數十處保護望民並將田地佃給苗人耕種欲令彼此相安乃嘉慶三年六月間匪苗復肆將望卡全行攻失不獨田地全為苗有並後路河溪丑坨等處時被焚擾鳳乾道路梗塞乾城居民亦不能出關樵汲迨後卑職將曬金一路營汛密安礮卡接通灣溪多駐兵勇懾以威稜清理黑苗歸寨收復南鄉地土閻丞復修望堡令民歸耕而匪

苗時猶在強虎灣溪二礮臺等處出擾南鄉又經卑職商同阿協趙丞於該二路添修礮卡嚴密防維始保護安謐蓋灣溪二礮臺一路為黑苗出擾南鄉後路來往必由之道而強虎一路為左右營黑苗分界之所必須妥為屯守永固藩籬以絕匪苗勾結偷越之路該二處田少民稀不敷辦理不得不於南鄉等處一律酌均俾令同心捍患是灣溪強虎二路之屯田練勇專為保護乾州地方何為均乾屬之田守鳳屬之地若此時不預籌久遠防範之計將來防兵全撤再行調撥守邊既無耕守之資焉能長令畱戍若遇風警臨時調遣毋論人各一心必然互相推諉即肯隨時趨赴而匪苗倏然出沒來去不常聞聲應援於事亦恐無及也該廳東

北等鄉自鎮溪至喜鵲營一帶多係土民尙能自守苗情亦較爲馴順是以原奏內並未指定應均該處之田但此時究有防兵駐劄而窮苗又有土塘工食羈縻尙可無虞轉瞬兩年期滿全行裁撤控制不密恐不免漸開窺伺之萌該處雖距灣溪強虎較遠右營邊哨黑苗或不便越界滋事而貼近之左營苗寨較多其中良莠不齊難保不久而爲害再查從前自亭子關起至乾屬喜鵲營止築立邊牆實因該處逼近苗巢故爲繕備現今議辦情形於四面八方普力修守將苗全行圈圍在內卑職廳並古丈坪保靖花園至茶洞均在畫一辦理乾州一隅之地終亦未便任其兩歧也卑職前此倡議屯田原僅在本屬地方辦理因嘉慶四年七月初

八日有乾州衿士閔宏瑞吳世亨等與保甲民人數十名親赴得

勝營稟求卑職保護歸業將來情願照鳳屬之例均田屯勇並據

飲血立單誓無異言卑職因其再四懇求方爲清理田地添住壯

勇震懾苗人飭令分給租穀數千餘石並代爲完納錢糧製給鎗

械上年書制憲先後按臨辰州垂詢各廳情形卑職不得不據

實稟陳旋蒙會籌入告請將乾州一律均田是此舉原出乾民

本心並非卑職無端強爲干預且議立均田章程係將各戶存畱

養口之外有餘之田始令均出並非全數充公不畱餘田而苗疆

底定苗地歸苗凡屬向在苗地之民戶無業可歸卽令均出田畝

給令屯種用以守邊是不惟有業者仍足棲耕而無田者亦皆得

所何至窮民失業致生事端乾州現在情形全賴處處防範維周甫能安靜若因目前無事卽不爲後圖苗情叵測靡常一經復擾僅資各汛官兵及一二民望安能堵禦本年夏秋以來卑廳沿邊各處亦均甯帖豈亦因暫時平甯爲從此永無他慮遂專藉兵民交相爲守將屯務置之不辦乎至卑廳各約內凡有官爲資贖之田俱皆充公其均出之田二萬餘畝無非民人糧產在該民戶等非不自愛已業實因深知田地不均無以爲守則邊防不固仍難久安是以無不踴躍趨公今乾民忽生異議者不過富戶一朝得業卽思坐擁膏腴頓忘後患查卑廳自黃土坳至木林坪密安碉卡半爲保護乾州地方並未稍藉乾民之力今強虎灣溪一帶爲

該廳緊要門戶令民人酌量均輸又復梗阻是欲令鳳凰民捐產出力在邊防守而伊等坐受其利於情理似欠公允在小民惟利是圖罔知大義是惟在地方官勿稍存畏難避謗之見明白勸諭俾令急公方克有濟現今瀘麻各邑民人亦必因循觀望卽卑廳已均之產難免民戶不皆思效尤遂滋口實殊於邊防全局大有關係卑職節奉奏明總辦之員實不敢稍避勞怨日內當卽會同閩丞等傳集士民剴切勸導令其遵照奏案辦理除將如何辦理之處隨時具稟外所有實在情形肅先具稟伏乞鑒核批示

（此處為多欄空白或極淡文字，內容難以辨認）

稟赴乾州廳查辦均田並夾單

嘉慶六年

鳳凰傳

龍

敬稟者竊卑職前准閩丞鈔寄稟豪當將乾州應宜均田屯勇實

在情形縷晰具稟知邀鈞鑒茲卑職於本月十三日馳赴乾城

會同張署協閩丞並委員姚署倅等將均田事宜面為酌議傳集

南鄉衿士保甲剴切開導諭以

皇仁

憲澤屢念民瘼預籌捍患至周且遠爾等於嘉慶四年七月赴

得勝營稟求保護歸業曾經飲血立單情願照鳳凰之例均田屯

勇因何忽生異說據該衿士保甲等僉稱前遭苗擾本由鳳廳代

為堵禦收復田土並於右營曬金塘舊司坪一路密建礮卡接通

灣溪南鄉方能存立只因未奉明示不知如何均法是以業多之

戶心存疑慮今蒙發閱章程先畱養口之田以其餘田均給本處壯丁屯守礮卡窮民獲有棲耕之所富戶永資捍禦之功眾心孰不樂從只求查辦等語卑職察看輿情原知防守邊圉事所當行不能因二三大富意存規避使一鄉之人盡泯其急公禦侮之心且在窮民咸思授田得所富戶亦何能擁業自肥當將卑職稟定上五崗各約均田章程出示曉諭無論兵民人等一體勸均照苗疆只論籽種之數每男一名畱養口田三斗女一口畱養口田一斗其餘再畱十分之三均出十分之七飭令保甲率同業戶各將人丁田畝開報其灣溪強虎哨二路亦經分頭查辦至乾州之東北鄉一路尚有應行劃清民苗界地修邊屯守等事卑職於十六

日偕張署協等前往履勘查自鳩溪沙子坳至鎮溪營又歷鎮溪頭良章三汛以至喜鵲營逶迤五十餘里西環乾苗寨落東至永順古丈坪為犴犵苗土各寨北與保靖之萬巖溪永綏之高巖毗連接壤崎嶇山徑道路如梳其喜鵲一帶汛少兵單僅有土堡該處民人多劄蓋茅棚近與苗寨逼處並無重堡以資捍禦張署協及鎮溪署遊擊黃都司各汛員弁等咸稱該處一線營汛安設大路距邊稍遠居民則緊靠邊牆崎零散處數年來亦時被匪苗焚掠傷人往往應援莫及將來古丈坪永保各路畱防兵勇士塘全行裁撤並永綏協營移駐茶洞之後該處尤為喫重必須堅修汛堡民屯團練壯丁安設礮樓聯絡聲勢然後可固藩籬卑職目擊

情形與沿邊貧民所稟無異應將邊牆界限劃清使外苗內民興
修礮座均田屯守以符 奏案現與張署協閩丞等酌籌辦理另
稟祇請 憲示 卑職自北鄉返至乾城卽於次日馳赴南鄉遍諭
均田查看舊安各屯係數村合割一處因屯窄戶多不敷棲止草
房鱗次櫛比每戶人口牛隻共處一棚而蓋藏盡貯堡外各該民
稟求分屯居住以免疎虞 卑職已許其另修石堡十座各就田地
之遠近酌量分撥俾守望耕耘兩得其便現據南鄉及灣溪強虎
二路各業戶陸續開報丁口田畝呈請查丈已選派誠實曉事紳
士二十名爲總屯分段經理概不假手胥役以杜弊竇並於乾城
設一公所添派廳標把總向青雲協同委員河溪巡檢孫必齋試

用從九王覺千總張聖謨僭緊造冊丈量期於來歲春耕前分授
壯丁屯種於秋收後頂駐灣溪強虎兩路已修礮卡其東北鄉之
鎮溪一路旣據營員請修礮堡貧民眾懇均田亦應一律舉辦 卑
職仍會同閩丞姚署倅督率委員等因時制宜欽遵

諭旨妥協趕辦務使邊氓得所屯守無虞以期仰紓 憲厯所有 卑職
赴乾查辦均田緣由合肅具稟伏乞 垂鑒再 卑職此次親赴乾
屬各鄉因閩丞舊恙復發未經偕往飭委廳標把總向青雲隨行
合併聲明

再稟者查閩丞張署協稟稱抑勒派均窮民失業恐致滋生事端
又稱乾州卽不均田屯勇現在兵民亦足交相爲守等語似必情

形確實方敢據以稟聞乃與現在輿情公論迥不相同若不將

奏案均田練勇之義理講解分明誠恐官爲富戶所惑稟阻善

舉轉使窮民失所邊備空虛實與苗疆大局有碍卑職既蒙奏

委總辦不敢稍避嫌怨爲閩丞等縷悉指陳蓋緣乾屬南鄉之地

賴卑廳密修礮卡而收復均田出於乾民之本意是以轉稟前

關督任撫憲具奏並蒙憲臺於減撤防兵摺內奏明乾州廳現

在酌籌增築礮卡均田練勇欽奉

諭旨遵行在案是修邊均田一節原爲預撤畱防兵勇土塘之計今該

廳現有防兵八百餘名鄉勇八百名土塘四千二百名如果現在

兵民足以交相爲守卽應稟請裁撤豈可坐視虛糜如須遵照

奏案辦理亦應早爲舉行不可徇富戶一己之私失千百窮民之

望更不可以畏難之偏見碍善後之大局也卑廳各鄉之衿士兵

民呈出田二萬餘畝上五崗沿邊百餘十里一律樂均下五崗九

十里則全行歸公壘勇固爲辰浦瀘麻四廳縣屏障亦代乾屬東

南兩鄉守其藩籬如閩丞愛惜富戶任其不均則不特窮民不服

恐鳳屬士民亦有所藉口倘俱以不願均田爲辭抑將田地給還

竟令礮卡空虛以現在沿邊礮卡而論鳳屬八百餘座永保擬修

八十餘座古丈坪十餘座乾州已修三十四座現擬添修三十餘

座若將均田屯勇置之不辦非請添額兵七八千名不能頂撤畱

防兵勇土塘也且富戶亦有不遵均田之處緣苗疆山多田

少將無糧之山地開墾成田當此辦理屯務之際例應清丈歸公且乾屬擁膏腴千畝之產不過鎮溪所鄧璵一戶其餘均係中戶統計應均出田畝者不過數十戶而無業鄉勇壯丁情願守邊屯田者不下二千餘名現據北鄉窮民具控富戶以盤剝民苗囤積居奇而致富均之實不足惜且畱養之外又存三分仍不失爲富戶又焉敢不遵 奏案而滋生事端耶至 卑職 與協廳委員等欽遵安置得所之

聖諭奉行均田練勇之

奏案又何慮一二富戶之梗議耶該廳協所

稟殊屬非是

卑職

剴切講諭後閣丞等亦深知前稟冒昧追悔莫

及 卑職

惟有協同妥辦和衷共事以期速底於成所有該丞等前

稟失實及貧民樂從斷不至滋事理合據實稟 聞

Blank page with vertical lines.

勸諭乾州廳南鄉業戶踴躍均田

嘉慶六年

鳳凰傅

勳

為勸諭均田久遠屯守以實邊防以安民業事照得乾州灣溪汛至強虎哨與鎮算右營苗寨毗連為匪苗出擾各鄉要道而南鄉尤當其衝嘉慶二年戡定以後爾眾民戶屢被匪苗擾掠不能安居經本府帶領兵勇迭次堵禦並於右營曬金塘舊司坪木林坪一帶密安礮卡接通灣溪匪苗懾威斂跡清理歸寨乃得收復南鄉土田彈壓公租又經本府製給鎗械代完正耗錢糧會商

乾州

鎮都督府阿州軍民府閩於灣溪強虎二路添建礮卡嚴密防維始獲甯謐但

此時有畱防兵勇分佈卡隘土塘工食羈縻窮苗尚可無虞一經全行裁撤誠恐匪苗窺伺漸萌又復出而滋擾不獨田地仍為苗

有卽爾等身家墳墓亦不能保若不早圖良策焉能永固藩籬是以大憲爲爾民預謀久遠防患之計前於會籌苗疆邊備減撤防兵之案兩次 奏明請於乾州一律均田練勇並以本府總理邊務限於年內趕辦完善欽奉

諭旨遵行在案茲本府會同

護協鎮都督府張
乾州軍民府 閻

署浦市糧捕府姚及

委員候補巡司王河溪巡司張署強虎哨守府左營部廳張查照鳳凰廳上五崗各約章程清理田畝每男一名畱養口田三斗女一名畱養口田一斗其餘再畱十分之三均出十分之七先於該南鄉各壘挑選壯丁二百名於明年減撤兵勇之日頂駐灣溪強虎二路礮卡每壯丁一名撥給田三斗俟清丈分竣後再給以房

屋倉圈牛隻農具以資屯守此舉貧民獲有棲耕之所富戶永藉捍衛之功爲爾士民計圖久遠之策莫善於此也除傳集衿士保甲人等剴切勸諭外誠恐各大戶等愛惜己業誤爲田盡充公不思同心捍患合亟出示曉諭爲此示仰乾州南鄉業戶保甲人等知悉務各欽遵 奏案踴躍均輸限十日內各將戶口及管業田畝山場地名坵段開明細數分別養口檢同契據齎赴本府行轅呈驗以憑造冊丈量毋蹈隱匿移換等弊致干查究其大戶好義急公亦照鳳廳均田之例於屯務報竣通詳 大憲分別 奏請嘉獎或予職銜頂戴或給匾額更得仰沐

皇仁再此次修邊屯勇原期一勞永逸現在議將二礮臺另建石堡並

海門直隸州志卷之六
三
修建喜鵲營一路堡座分派委員承辦所有南鄉各壘亦當逐一查勘於草房櫛比緊密之處酌量分壘修整堅固以免撤防時不致稍有疎虞著俟本府親勘據實稟請再為辦理各宜凜遵毋違特示

勸諭乾州廳強虎哨等處業戶踴躍均田

嘉慶六年

鳳凰傳 同知 龔

為勸諭均田久遠屯守以實邊防以安民業事照得乾州灣溪汛至強虎哨與鎮筸右營苗寨毗連為匪徒出擾各鄉要道經本府於左營曬金塘舊司坪木林坪一帶密安礮卡接通灣溪匪苗懾威斂跡乃得清理歸寨彈壓分租又經本府製給鎗械代完正耗錢糧會商協鎮都督府阿又於灣溪強虎二路添建礮座嚴密防維始獲甯謐但此時有畱防兵勇分佈卡隘土塘工食羈縻窮苗尚可無虞一經全行裁撤誠恐匪苗窺伺漸萌復出而滋擾不獨田地仍為苗有即爾等身家墳墓亦皆不能保若不早圖良策

焉能永固藩籬是以 大憲為爾民預謀久遠防患之計前於會
籌苗疆邊備減撤防兵案內兩次 奏明請於乾州一律均田練
勇並以本府總理邊務限於一年趕辦完善欽奉

諭旨遵行在案茲本府會同

護協鎮都督府張 閩 署浦市糧捕府姚委 乾州軍民府

員候補巡司王河溪巡司孫署強虎哨守府左營部廳張查照鳳
凰廳上五崗各約均田章程清釐田畝無論兵民人等每戶男一
名畱養口田三斗女一名畱養口田一斗其餘再畱十分之三均
出十分之七挑撥壯丁耕種於明年減撤兵勇之日頂駐礮卡每
壯丁一名撥給田三斗俟清丈分授後再給以房屋倉圈牛隻農
具以資屯守此舉貧民獲有棲耕之所富戶永藉捍衛之功為爾

兵民計圖久遠之策莫善於此也除傳集保甲人等剴切勸均外
誠恐該兵民愛惜己業誤謂田盡充公不思同心捍患合亟出示
曉諭為此示仰強虎哨等處業戶保甲人等知悉務各欽遵 奏
案踴躍均輸限十日內各將戶口及管業田畝山場地名坵段開
明細數分別養口均公檢同契據並查絕戶田畝山場一併開報
齊赴本府行轅呈驗以憑造冊丈量毋蹈隱匿移換等弊致干查
究其在大戶好義急公亦照鳳廳均田之例於屯務報竣通詳
大憲分別 奏請嘉獎或予職銜頂戴或給匾額更得仰沐

聖恩再此次修邊屯勇原期一勞永逸現在議將二礮臺及附近各汛

另建石堡並修建喜鵲營一路汛堡礮座民屯分派委員承辦其

強虎哨民壘早經本府捐項移請協鎮都督府阿代為監修並搭蓋瓦房給民居住如此外尚有布置之處俟本府親臨覆勘再為辦理各宜凜遵毋違特示

詳覆辦理乾州廳均田民戶樂從並無窒碍

嘉慶七年

辰沅道 鄭人慶

為遵批查覆事嘉慶七年正月二十七日奉

憲臺批據鳳凰廳督憲

傅丞具稟馳赴乾州將均田事宜與閻丞等面為酌議傳集南鄉衿士保甲剴切開導居民俱已樂從等緣由奉批查此案前據乾州協廳具稟當經批飭該道移會南藩司等查明妥議通詳察奪在案今據稟前情仰辰沅靖道體查情形會同秉公安議迅速通詳仍候

撫部院提督

批示此稟即繳又於二月初一日奉

憲臺

批據鳳凰廳傅丞具稟赴乾州辦理均田緣由奉批均田屯勇係捍衛邊疆要務總在承辦之員和衷經理持以公允使眾情悅服

庶一勞永逸斷不可稍存偏見仰辰永沅靖道移會南藩司確查

妥辦通詳飭遵辦理仍候

撫部院提督

批示繳稟單鈔發各等因奉

此

職道遵查此案前據乾州廳協以該廳民戶不願均田未便勒

派聽其不均又違 奏案請示遵辦等情會銜通稟仰蒙 憲臺

批飭移會南藩司議當經錄批移司並移行署乾州協鳳乾二廳

查議在案嗣奉前因又經分別移行去後旋據鳳凰廳傅丞乾州

廳閻丞會銜詳稱

卑職等遵查乾鳳二廳逼近苗巢溝道如梳最

為緊要必須嚴密防守以免疎虞

卑職雖將鳳廳二百數十里共

修礮卡哨臺八百餘座分撥兵勇駐守現在足資堵禦但

國家經費有常畱防不能久而不撤畱防一撤礮卡空虛匪徒仍得

乘隙窺伺必須練勇屯田頂駐哨卡方可永固藩籬隨經勸諭士

民議立章程均出田地二萬餘畝分撥屯耕向有不敷請於附近

瀘麻二邑撥補其時

卑職甬僅於本屬地方議辦並未計及乾州

嗣因

前閣督憲書先後按臨辰州查悉情形即蒙會籌入 奏

請將乾州一律均田練勇以實邊防節奉行知

卑職廣居遵即隨

時曉諭董勸乃乾屬民人因未奉明示不知如何均法既屬狐疑

又思推諉遂有張永諧徐啟琳等赴 撫轅門具稟批行

卑職廣

居會同乾州協確查旋又據各鄉民人以窮戶惟恐失業不願均

田等情赴廳具稟

卑職廣居亦未知屯防原委因既蒙 憲批飭

查又據各民人呈稟恐實有窒礙難行之處是以據情會同張署

協通稟各憲請示遵行旋於十二月內卑職 爾與浦市姚倅到乾

會同卑職 廣居並張署協傳集各鄉士民保甲剴切開導諭以

皇仁

憲德軫念民瘼思為永遠捍患之意並將鳳廳議辦章程當堂

發閱該士民等始知係將田多大戶除畱養口田畝外均七存三

並非不論貧富一概酌均其均出之田即撥給本地貧民屯守乃

捐有餘以補不足衛富室而養窮黎既各恍然俱無異說卑職等

擬於強虎灣溪二路安守礮勇丁二百名南鄉之雙塘隘口安守

卡勇丁一百名又於鎮溪所至喜鵲營一路安守礮勇丁二百名

守卡勇丁一百名共計需用勇丁六百名於南鄉及東北鄉均出

六百人田畝分撥屯守現在卑職 廣居與委員督飭保甲人等查

開丁口田糧清冊不日卑職 爾即與姚署倅同赴乾州會同趕辦

一俟田畝均定即行分授丈量造冊撥派並將辦理情形隨時具

稟至卑職 等仰沐 憲恩職居邊要諸凡應辦之件無不和衷商

確斷不敢稍涉偏私於民戶人等惟有喻以大義持以至公使之

欣悅相從以期事歸克濟俾邊備早得完善地方永慶平甯用副

諄諄垂訓之至意緣奉札飭合將會辦緣由備文詳覆等情前來

職道 查苗疆各廳屯田練勇永固藩籬實為邊防要務但必須文

武同心民戶踴躍妥協辦理以期克底厥成如果該廳等意見參

差民戶實有不願自應另為籌議今據稱前因乾屬民人不知均

田原委是以各懷疑慮上瀆 憲聰聞丞張署協亦係據情轉稟

並無別有成見嗣經傅丞與委員等前往會同講論剴切開導俱已恍然皆無異說現在議立章程妥爲辦理是此事並無窒碍可以毋庸另議正在移司會同詳覆適淮南藩司咨稱案奉督憲批乾州協張遊擊乾州廳同知閻丞具稟乾州居民不願均田一案飭令會同議詳今本司查此案已據鳳凰廳傅丞具稟親歷乾州將均田事宜傳集衿士保甲剴切開導居民俱已樂從並據另單具稟閻丞前稟失實經該丞剴切講論後閻丞等亦深知前稟之冒昧追悔莫及等情通稟業奉撫部院馬批示據稟已悉仰畱防所飛移辰沅道督率該丞會同閻丞等實心實力妥協趕辦總期邊氓得所屯守無慮乃爲妥善仍候

督部堂
提軍門

批示另單並

發同此稟速繳等因隨經畱防所移道飭遵在案是此案已經傅丞親往乾州查明辦理居民樂從並無窒碍應請毋庸再議除呈明督憲外合並移會等因准此查此案既據藩司將鳳凰廳傅丞具稟情形並鈔錄撫憲批示徑呈憲案亦可毋庸再爲會詳所有

職道

查辦緣由理合具詳

稟議辦麻陽縣均田情形

嘉慶七年

鳳凰傳 同知 龔

敬稟者竊照鳳凰廳屯田練勇守禦邊陲應需田地甚多除鳳屬士民呈出田地二萬餘畝外其不敷之數請將

給復業之瀘麻二邑各民田業酌量均出撥補前蒙

書具 奏並蒙 憲臺於會 奏裁撤添防兵勇摺內將飭令趕

辦緣由聲明各在案茲

順縣典史陳廷柱於正月初八日同至巖門商辦麻陽均田事宜

傳集巖門等約四十五聖衿士保甲宣述 奏案發閱稟定均田

章程剴切開導出示曉諭旋據高村巖門袁坪濫泥四約衿士滕

唐佐滕紹光張世謙張正卿滿萬田等呈稱

等各約村瞳自乙

海內首陽中政考 卷六
卯苗變屢遭荼毒幸賴疊次帶勇堵禦俾得禁立塹堡聚族棲耕
保衛之恩實深感激今奉 奏定均田屯守實爲邊防久遠安定
之謀自應盡力均輸曷敢少有他說惟是此四十五塹山多田少
澆瘠異常若照鳳屬上五崗之例除畱養口外均七存三每歲出
產無多不敷養贍今士民公同集議凡應均田之大戶情願不畱
養口將所有田畝均出十分之三充公屯種再麻邑河東河西共
計三十六約甲緊與鳳廳接壤前者匪苗猖獗不惟 等四十五
塹被害凡屬河西各村無不同遭蹂躪卽河東之舊縣正圓圍舒
家村等處亦被焚掠遠近村落皆不獲甯居自蒙沿邊密安礮卡
濠牆匪苗不能踰越閭邑民人一例得安耕鑿是伊等咸蒙捍禦

自應其事輸將所有不敷之田請於河東河西公爲均補不惟眾
擎易舉而情理亦屬至公等情 卑職 等伏查原定均田章程除鳳
屬下五崗之都吾務頭兩約田地係全行歸公屯種外其餘各約
俱扣除養口均七存三卽瀘溪之都蠻等十九塹並乾州南鄉均
係照此均撥麻邑自應劃一辦理未便另事更張再查上年 奏
案不敷之田係請於瀘麻二邑 卑職 代爲資復之各地方酌量均
補茲請均之閭邑亦與原案未符但查該四十五塹實皆瘠土若
概令存三均七民戶似恐難支至鳳廳沿邊二百數十里屯防丁
勇計需六千人而鳳廳均出之田只敷四千人屯種其餘二千勇
丁計需田地一萬餘畝方敷撥給瀘麻二邑分半派均各應出田

五千餘畝此四十五壘卽照扣除養口均七存三之例辦理所得之田亦屬有限今照十分之三均出不敷之數愈多若拘定一案不於資復各壘之外設法則短缺之田無從籌撥屯務終至得阻難行卑職等反覆思維勢不能不爲通融酌議當又傳集上下各約衿士保甲面加諮詢僉稱後路得以安堵全賴礪卡之力均田屯守保護至周在伊等捐有限之餘田彌無窮之後患敢不遵辦但邊防公事必須眾力襄成所有河東各村俱邀保障尤須急公向義一律均輸等語卑職等覆思屯務之舉原係爲後路永建藩籬麻邑河東河西上下各約與高村等處雖有遠近不同皆受防維之益今只令四約富戶均田其餘各處不出寸土而安享其

利不惟不足以服四約各壘之心卽令伊等撫衷自思當亦不無慚仄且查麻邑上自貴州交界起下至辰谿交界止南北計長二百餘里高村四約不過一隅中之一隅其餘上下各約甲地方寬廣多係膏腴捐各富戶數十分之一二卽不難集腋成裘伊等所捐無幾事屬易行而功歸克濟似爲至便今據高村四約衿士再三稟懇而詢之上下各約士民亦無異辭自應俯順輿情准如所請擬一面先令四十五壘富戶開報田畝實數查明各富戶均出三分之一計可得田若干尙缺若干令河西上下各約均補再有不敷飭令河東各村公捐其應如何酌辦之處卑職等飭令各紳衿士民自行秉公定議務歸平允並不稍有拘牽亦不預存成見

只期將此項應補之田五千餘畝如數均出足資屯防以仰副
大人綏戢巖疆安全黎庶之至意查辦一切卑職等遴選誠實曉
事之衿士派充總壘頭分司其事仍囑委員隨時稽查不使稍滋
弊竇合併聲明所有議辦麻陽均田緣由合肅具稟伏乞 鑒核
批示

稟鳳屬田畝短缺不得不於瀘麻二縣均補

嘉慶七年

鳳屬同知 傅 鼎

敬稟者屯田一事所以慎守巖疆保衛內地非如此辦理苗防不
能全裁善後總難竣事必須田地足數分撥各處皆可屯耕方為
完備茲鳳屬田畝短缺不得不於瀘麻二邑勸均在富戶之深明
大義者知為伊等永建防維固屬踴躍從事但賢愚不一保無為
富不仁之徒妄行推諉若聽其梗議恐相率效尤田地無從均撥
則屯務阻碍難行查麻邑田地自康熙三十三年丈量以後歷年
已久私墾甚多現據麻邑貧民以富戶盤剝準折私墾漏糧貧者
愈窮富者愈富等情紛紛呈控倘富戶內間有不肯均輸者擬將

該戶糧數查明臨田逐一清丈凡額糧之外隱種餘田全行充公
不惟足以分撥守邊而近地窮黎並可藉以安頓卑職等惟有相
機妥慎辦理持以公允總在折服其心俾公事得以安速完竣以
期無負委任再卑職等選派誠實矜士數十餘名充當總壘長壘
頭分司其事每名日給飯食銀五六分至七八分不等至現在查
開丁畝及將來丈量造冊等費兼之一切隨時鼓勵賞需均由卑
職捐籌發給即派往查辦各紳亦當捐給盤費嚴為查察勿任藉
端舞弊合附稟聞

稟麻陽縣職員陳朝詠倡首均田請先予獎勵

嘉慶七年

鳳凰傳 肅

敬稟者竊卑職於本月初八日同至巖門會辦麻陽屬均田事宜
正在勸諭間據龍家鋪捐職布政司理問陳朝詠率堂弟監生陳
祖級等呈稱職等居住河東六十年匪苗滋事大兵隨至先將河
西堵住幸免蹂躪而同仇誼切敵愾心殷曾經捐資募勇劄卡禦
苗節次稟奉大憲獎勵在案今蒙將沿邊二百數十里建築礮
卡八百餘座保護後路居民又奉奏定均田屯勇以為久遠捍
患之計河東地方同邀保衛欣感實深今情願將坐落洞溪膏腴
糧田一百畝並附近地土共置價二千兩捐出歸公以供屯勇等

情卑職等查該職員前於苗變時曾捐資募勇在麻邑緊要門戶之鳳屬水田約地方設卡堵禦伊弟陳祖級亦在本地倡義防維今勸諭麻邑均田又復首捐腴田百畝並附近山地共置價三千兩之多實屬深明大義踴躍急公當此辦理屯田之際可為急公向義之倡深堪嘉尚茲卑職等擬請先加優獎以為眾勸俟屯務告竣時依照稟定章程與均田較多之戶一體造冊詳請 憲臺入 奏俾得仰沐

皇恩用昭嘉賞所有麻邑職員等呈請均田及擬先加獎勵緣由合行具稟

稟議辦瀘溪縣均田 嘉慶七年

鳳凰傳 肅

敬稟者竊照鳳凰廳屯勇防邊不敷田畝 奏明於瀘麻二邑均辦章程業經卑職會同該縣陳令議稟在案其瀘邑應均之田內都蠻利略一十九里盡在曬金塘之後距邊最近被害最深前者屢經卑職驅逐匪苗清理田地數次紮立壘堡發給口糧鎗械子藥牛具籽種代納錢糧並給與瓦片修蓋房屋該處民戶前於嘉慶四年間懇求卑職就近保護復業即曾具結情願照鳳廳各約一律均田卑職等與姚署倅前已議定該十九里照鳳凰廳上五崗之例除去養口之外存三均七飭令各戶造送清冊按戶核算計已均出田種五十餘石丈得田七百餘畝誠恐各上戶尚有匿

湖南直隸州志 卷六
報之田卑職等於二月二十五日至苟爬巖囑令委員高典史再行通盤丈量不任稍有欺隱其四都等處之四十八壘距邊雖較都蠻稍遠而前此之受害則均屢爲資給口糧鎗械保護防維該民戶等始得復業卑職等於三月初一日前赴四都坪剴切勸諭各該民望深知感激願較都蠻利略減去一成除畱養口之外存四均六尙屬踴躍卑職等當經點放總壘頭十二名令其督率各保甲及散壘頭等將各處丁口田畝細數逐一清查限一月內造冊交高典史次第清丈惟是四十八壘山多田少約計所均之田不及二千畝合之都蠻十九壘所均尙未滿三千之數查瀘麻二邑各應均出五千餘畝分給屯耕今瀘邑所短尙多不敷辦理卑

職等再四思維前以麻陽高村等四約應均田畝無多不敷之數係於通縣河東河西各處一概攤捐瀘麻事同一律自應做行查瀘邑自四都坪以東直至浦市逶迤六十餘里其中良疇沃壤接陌連阡若將此不敷之二千餘畝照數攤均誠爲眾擎易舉浦市一帶前者屢遭苗擾蕩析一空嗣雖築立堡牆藉資捍禦而每於沿邊有事仍復風鶴時驚自鳳廳邊備嚴密外固藩籬該處民人始能安業是浦市亦受鳳廳礪卡之益而與四都唇齒相依豈容漫視若該處富民不輸寸土而坐收其利不惟無以服四都各處人心亦與麻邑辦法兩歧難保麻邑河東民人不藉辭控訐至壘務有所牽掣不能克底於成况此數十里內地地方寬廣饒有餘田

僅攤補二千餘畝在各富戶所捐無多而永資捍患裨益實深至浦市地方雖係沅瀘交錯而現在只就田地而論如係瀘民而地隸沅境則不均輸若產係瀘糧卽人屬沅籍亦須照撥總以地在瀘邑之泗都以東浦市以西者均令遵辦其人之或沅或瀘概所不計如此辦理庶可以歸劃一而昭公允也除會同姚署倅飭傳浦市及各紳士耆民妥爲勸諭外所有議辦瀘邑均田緣由合肅具稟

勸諭瀘溪縣西鄉業戶踴躍均田

嘉慶七年

鳳凰傳

龔

爲勸諭均田久遠屯守以實邊防以安民業事照得瀘溪西鄉都蠻利略各村與鎮草右營紅樹坡鐵虎哨等處及乾州之南鄉緊相連接距邊甚近嘉慶二年戡定以後爾眾民戶屢被匪苗擾掠蕩析離居經本府安設苟羸巖一路卡座帶領兵勇疊次堵禦代紮壘堡並於得勝營紅樹坡曬金塘舊司坪一帶密安礮卡懾以威稜清理苗匪歸寨乃得收復田土招徠復業又經本府發給鎗械子藥牛具籽種瓦片代完正耗錢糧隨時保護妥爲安頓始獲存立年來苗情安定民氣日強可期從此救甯但此時有畱防兵勇分布卡隘土塘工食羈縻窮苗尙可無虞一經全行裁撤誠恐

匪苗窺伺漸萌又復出而滋擾必須早圖良策方能永固藩籬是以大憲爲爾民預謀久遠防患之計前於會籌苗疆邊備案內以鎮筸沿邊碣卡林立矜士兵民呈出歸公田二萬餘畝不敷分授勇丁屯種奏明在於本府代爲資給復業之瀘麻二縣各民戶內均出撥補並查爾民戶壯丁多在本府充當鄉勇就近調赴紅樹坡至礮臺坡一路防守卽將都蠻等處均出之田分撥承種守邊自衛又奏委本府總理邊務限於一年之內趕辦完善欽奉

諭旨

遵行在案茲本府會同署浦市糧捕府姚及委員辰溪捕廳高親臨該鄉據爾各屯民戶輸誠向義願均深堪嘉尙都蠻利略兩

本應照鳳屬都吾務頭兩約歸公分授因念該鄉十九屯自須一律辦理已諭令照上五崗各約均田章程每戶男一名畱養口田三斗女一口畱養口田一斗其餘再畱十分之三均出十分之七撥給該屯勇壯各丁在紅樹坡一帶守碣者每名田種三斗俟清丈分授後再給以房屋倉圈牛隻農具以資屯守除遴派各村矜士屯頭董率經理外合亟出示曉諭爲此示仰瀘屬西鄉業戶保甲人等知悉卽便欽遵奏案踴躍均輸限十日內將戶口及管業田畝山場地名坵段開明細數分別養口均公檢同契據齎赴本府行轅呈驗以憑

署浦市糧捕府姚
瀘谿縣正堂樊

暨委員辰谿縣捕廳高造冊丈量毋隱匿絕產毋移換舞弊致干查究其在大戶好義急公

亦照鳳廳均田之例於屯務報竣後通詳 大憲分別 奏請嘉
獎或予職銜頂戴或給匾額更得仰沐

皇仁

再該鄉壘堡湫隘不敷棲止尙有草房櫛比之處倘遇風煙不測
關係匪輕仰俟來春再為復勘展修以期一勞永逸爾等民戶亦
各謹慎防維用副本府保障矜全至意各宜凜遵毋違特示

稟續辦瀘溪縣均 田輿情踴躍 嘉慶八年 鳳凰傅 肅

敬稟者竊 卑職 前將馳赴瀘溪續辦均田緣由肅申寸稟知邀

憲鑒查瀘邑應均田五千餘畝除已均外尙需田二千五百餘畝

歷奉 奏明於瀘溪浦市等處酌量均補 卑職 於前月中旬會同

署通判姚興潔署瀘溪知縣龔志會及委員等齊至浦市傳集城

鄉紳士耆保約正令其自行酌議公報大戶並距邊之遠近分別

均輸次第務期平允當有告假在籍之工部額外主事瞿自明現

任刑部江西司額外主事唐自璋唐之久理問職銜唐萬清等率

其子弟首先均出田四百餘畝以為士民之倡又有選舉孝廉方

正以教職用之周明珠人品端醇為一鄉之望同首士人等向城

市村矐剴切勸諭各上戶深明大義感激急公陸續輸將爭先恐後兩旬之內已均出田二千畝尚有五百餘畝計月內即可足數容將辦理情形會同姚署倅龔署令等另稟 鈞鑒惟時屆田禾長發之際未便臨田丈量現在彙報契據趕緊造冊一俟秋穫完竣即行文收分撥早歲屯防辰下雨水勻調苗情甯謐安帖堪以仰紓 慈廑所有 卑職 續辦瀘溪均田輿情允洽緣由合肅稟聞

稟瀘溪浦市田地均辦全竣

嘉慶八年

鳳凰傳 同知 肅

敬稟者竊 卑職 前將續辦瀘溪浦市均田輿情允洽業經均出田

二千畝緣由具稟 鈞鑒在案伏查瀘邑頂補田二千餘畝應於

浦市之西自山冲坪北至瀘溪縣城一帶均辦前經 卑職 等在浦

市傳集城鄉紳士耆民諭令妥辦議以按照距邊之遠近分別等

差瀘屬都蠻利略等十九里貼近苗邊係照鳳凰廳之例扣除養

口餘田均七存三四都等處四十八里較都蠻減去一成除畱養

口均六存四今三村坪迤東直至浦市又照四都減去一成除養

口外均五存五其浦市北至瀘溪縣城不計養口均二存八該紳

士民戶等深知屯勇守邊實為伊等永遠捍患可以長樂

昇平俱皆遵照章程踴躍從事決旬之間即均獲田二千畝尙短五百餘畝續據浦市民戶又均出一百四十餘畝縣城士民胡宗魁等均出二百四十畝並據大小二章土民頭目張正宣等來市稟稱從前苗匪滋事以目等非其族類肆行屠害而各寨語言習俗稍與苗同官民又疑爲間諜不肯相援遂至大被傷殘無從申訴嗣後邊防嚴密始獲安居今聞屯勇守邊情願與編氓一律均輸庶幾同作

盛世良民永邀保障等語

卑職

始以該處於六堡六堡同係土民並未

議令着均今該目等既聞風遠來自行乞懇察其情形實出真誠當即准其所請該處四十八寨共均出田一百八十餘畝合計浦

市瀘溪三村坪及大小二章各處總共均出田二千五百七十餘畝業已足數於六月初一日出示曉諭一概截止所有浦市各戶契券已據繳齊其係連契或契載田畝未曾全均尙有畱者即於契內批明仍給該戶領回執業或有遠年之產及兵燹之後原契無存者俱將均出之田名田坵糧石實數開列清單呈送核明存案其三村坪及縣城均戶契紙亦在陸續呈繳浦市大戶之田俱有佃戶承種均已具立承耕認收其各村地方有係本戶自耕者亦即自行具認俾秋收田穀有所責成至已均之田前因將屆田禾長發之際未便臨田查丈擬俟刈獲後再行文收今據各糧戶紛紛稟懇早爲丈收入冊即可輸租

卑職

等會督委員選派鎮筸

誠實紳士帶領熟諳弓算於五月二十二日分段開丈以期迅速
蕝事今歲陽雨應時早穀業已成熟不日可以收割現於浦市及
瀕河之麻坪蘭村二處分建三倉以備分租收貯除一面催齊契
券清單仍俟委員將各處田畝丈竣按碼撥補會同謝令彙造檔
冊申齋並將該紳士之出力最著均田最多者遵照 奏案另行
稟請獎勵外所有浦市瀘溪田地均辦全竣緣由合肅稟 聞

稟苗疆安帖擬辦麻陽縣上鄉均田情形

嘉慶九年

鳳凰傳 肅

敬稟者竊 卑職 於上年十二月二十二日由辰州起程回算當經

肅丹具稟諒已仰邀 賜覽 卑職 因公赴省離邊稍久且時逼歲

除誠恐匪苗乘閒窺視即由浦市山行取道四都坪一帶徑赴沿

邊二十七日至舊司坪隨赴曬金塘得勝營廖家橋浪中江等處

周歷巡查各該碉卡屯勇隨同營汛弁兵防範嚴密數月以來情

形尚為鎮靜據乾州永綏保靖各廳縣委員稟報苗情亦皆安貼

至黔楚交界據邊防貴州芭茅坪之備弁稟稱永綏九里趕場苗

人近日頗遵約束所帶練勇足資彈壓堪以上紓 慈厘各營苗

備聞知卑職到邊帶領弁目前來迎見詢知苗地去冬普霑雪澤深巢各寨良苗日知向化各安生業其無業窮苗凜懲創之威亦知做懼該備弁等仍隨時畱心稽查不敢疏懈並據稟稱有苗人彼此膠羈未清之件及零星不受約束之匪苗懇請示辦卑職會同營弁即為分別剖斷設法究追將各備苗弁等照年例酌給賞號訓誡撫馭仍令勸導窮苗趁此土塘未撤之時積有工食買牛置具覓地開荒以資餬口將來停止土塘得有生計可冀永歸甯謐至卑職廳續修聖卡並勇丁房屋各工逐處查看俱皆如式堅實上年收成稍歉曾經借給銀兩飭令補種秋菽均有收穫諳諭該勇丁等各知撙節俾敷守邊口食卑職親歷既遍正月十二日始

回鎮城查卑職廳地方一切詞訟經謝令隨時代為審結並無積壓其均田冊檔亦經該令督率紳士書算人等漏夜僱造已有眉目卑職將鳳乾永保等處屯防諸務逐一清理並先期札調承辦各委員攜帶修邊用款底冊來算核算仍囑令加緊趕辦迅速完竣以便撤防茲擬於十八日前赴麻陽會同姚署倅曹署令均辦該縣上鄉田畝另行隨時具稟外合肅稟聞

... 十八日... 會同... 縣... 均... 屯... 二... 均... 屯... 二... 均... 屯... 二...

稟麻陽縣續辦均田情形

嘉慶九年

鳳凰傳 同知 簡

敬稟者竊卑職前將馳回邊界彈壓及民苗安帖情形肅申寸稟計邀 賜覽嗣於本月十八日卑職馳抵麻陽沿邊經過村疇以至縣城各該士紳耆民遠道迎候察其情詞甚為歡喜卑職諭以大義麻邑壤接鳳廳處處毗連均田屯守禦外即所以捍內爾等早明大義何以上鄉寸土未均田恆泰等輒敢赴京越控僉據稟稱數年以來得受鎮守卡衛護之益莫不深知感激惟一二畸零小戶為田恆泰等所惑致掩眾姓公忱今蒙 大人將包訟之人按律懲治俱已悔悟只求稟辦等語卑職復加勸諭甚形踴躍隨同署令曹楫並襄辦屯防之署浦市通判姚興潔率同委員承

湖廣通志卷六
順陳典史巖門胡縣丞悉心集議竊以該衿民等既知急公尤當
使之樂輸以昭平允查麻邑應均田五千餘畝除山後各壘及下
鄉已均出田二千九百餘畝尚應續均二千一百餘畝調閱上鄉
額糧冊田畝寬廣戶多饒裕祇須於業產最厚之家分別差等令
衿士自行公議朋均可以足數中下各戶無須勸均現傳各約大
戶至城尚未到齊已據滕唐受等十數名首先均出田五百餘畝
其他各約亦接續開報計在兩旬之內可期均足容與曹署令詳
晰會稟恭請 鈞核至往來傳喚俱派誠實甲首絕不假手吏胥
而承辦造冊丈田之紳士耆民以及弓算人等俱各優給鹽糧嚴
爲督率並無絲毫擾累以冀仰副 大人嘉惠邊黎速蕝善舉之

至意所有麻邑續辦均田輿情踴躍緣由合肅稟 聞

稟麻陽縣上鄉田畝均辦足數

嘉慶九年

鳳凰傳 龔

敬稟者竊

卑職

昨將麻邑上鄉應均田畝足數緣由肅稟馳陳諒

邀

賜鑒

卑職

等查麻陽一縣共應均田五千餘畝除下鄉已均

田二千九百餘畝外其上鄉只應補足二千一百餘畝固難聽其短少亦無用其增多但令照數均齊其事即為完善乃據各約甲

紳耆田玉拔滕萬云張光統田年俊周經勛數十名等稟稱麻瀘二縣皆貼近苗疆與鳳廳實有輔車相依之勢建議屯田原為邊腹共圖防患鳳廳僅有秋糧一百六十餘石尙均出田二萬餘畝瀘溪之視麻邑則地方較為狹瘠亦復竭力輸將麻民既同資捍衛之功豈獨無守望之助前此聞有均田之舉下鄉民戶首先具

湖南首陽正考 卷六
結是麻民原肯照辦並無違抗之心詎奸民田恆泰等輒思斂錢漁利妄布訛言捏詞內控以致眾戶公忱盡爲掩沒今蒙親至上鄉明示章程諄諄開導深知屯防一法用民自衛實守邊禦侮不易之良規應修之急務並知僅均上戶之田不惟非一概均七存三所取真不過二十分之一乃不及早償辦遲延至今實屬愧悔所有各戶應均之田現已遵照辦足惟是均出田畝屯丁不能自種皆係標給原佃承耕歲分租穀每畝籽粒僅收一半是名雖均田二千一百餘畝而計所收租息僅祇實田千畝有零已恐不敷養贍更或歲遇水旱收成歉薄並以距邊稍遠又須挑運腳價必致愈形短絀屯田兵勇賴以守邊若使口食不敷稍有疏略所關

匪輕今各大戶公同酌議情願於定數之外再量爲加增以補不足庶冀辦理裕如等語卑職等以該紳耆等所稟雖似出至誠而所論亦切中竅要但上鄉應均田二千一百餘畝係屬奏定之數自應照案辦理且從前未經均輸尙有田恆泰等控告今若於案外加增更恐刁民藉口當卽諭止未肯允行該紳耆等復稱麻陽田種升斗較之鳳廳甚小按種計算似已足數恐合之弓步仍有不敷且此事爲久遠之圖不妨多多益善使之有餘自不致將來掣肘再四懇求並先行檢契呈繳出具並無勉強甘結前來卑職等詳加體察竟屬真誠實非虛假查下鄉均田初無異論尙須半載有餘始能辦定今上鄉甫及一月卽經均足眾戶仍思長計

額外請增其踴躍情形實可概見緣該民戶等既於屯防捍衛之道一旦豁然深知事屬易辦又見所均無多眾擎易舉並因此事原為伊等身家性命之計而田恆泰等反行妄控天良難昧於心實有不安欲圖借此補過更知仰蒙 憲恩 奏明請

旨獎勵是以倍加歡感該紳耆既知急公好義未便阻其從善之心已准其照議辦理合計上鄉於正數之外所增又有數百畝其數當與下鄉差相彷彿除俟查驗券契開具底冊逐一丈量查清頃畝實數照式造報外所有上鄉田畝均辦完竣及民戶自請增加緣由合肅稟 聞

稟麻陽縣上鄉增均田畝實係業戶自願增均並無抑勒情

形 嘉慶九年

鳳凰傳 同知 肅

敬稟者本年四月十九二十等日疊奉 藩臬 司行知 卑職 歷次會同

麻陽曹署令具稟該縣上鄉應均田畝眾戶樂輸惟生員田步釐

等阻撓把持迨經查究始知愧悔情願加倍均出並上鄉各大戶

田已足數復請增均各緣由節奉 憲臺 督憲 批示以均田原以衛民

固不容二三刁徒阻撓致誤大局尤宜秉公激勸俾知義利不可

繩以官法並以田步釐田徽猷田糧若干並未聲明惟稱加倍呈

均以做抗玩不知辦理均田必須公允若此時聽紳士調停准其

加倍均出將來適足藉口况上鄉已於正數之外增多數百畝又

海內官防司正考 卷六
何用加倍又各戶增均之田是否實係紳耆自願有無抑勒飭令
斟酌情形妥爲勸辦並詳細具稟各等因仰見 宮保大人慎重
邊防體恤民隱教誥諄諄惟期兩歸妥善再三祇誦感激難名伏
查邊隅礪卡非勇丁不能防維防邊勇丁非田地無從養贍鳳屬
田地不足均至瀘溪麻陽會受資復之捍衛各壘仍屬不敷遂議
卽瀘溪之浦市麻陽之上鄉以足其數事屬相因勢難中止所有
辦理情形既上邀

九重之

洞察亦久爲眾姓所周知是以一經諭均俱係聽命但千百人中勢不
能保無一二愚昧無知之徒妄行推諉若竟聽其梗抗不惟無以

服眾且小人取懷而予難必其絕無吝惜之心逞強者既可故違
則羣情觀望必致事難就緒殊於大局有關是誠不能不激勸兼
施剛柔互用也麻陽上鄉應補均田二千一百餘畝各約紳士大
戶等以均田屯勇原係捐富戶之有餘助邊儲之不足請將田多
上戶查出各令自定均數眾力共舉速完 奏案其中下戶之田
少人多者概不准均及旋據該紳士耆民等將應均各戶開單呈
送照單傳喚其十六約甲富戶無不踴躍而來不日之間竟有成
數惟田步釐等屢傳不到並把持新坪一約富戶一名不令入城
眾論紛紛頗不甘服稟請查究 卑職 猶未遽信飭委教職典史前
往詢查仍然藐抗恐鄉愚未聞 奏案終屬狐疑又令紳士齋捧

案牘前往開導乃竟敢肆行毆辱以致閭邑士民同深憤恨公稟
懇求嚴辦卑職會同該署令查拏田步鼈等始知畏懼自行投首
情願照均並出請帖堅求紳耆代爲乞恩懇請加倍均指示罰卑
職以該生分內應均田畝尙且抗違若於額外多均難保不藉爲
口實眾紳耆等復以各戶因極知均田之有益深恐不敷辦理皆
願數外增均田步鼈身犯科條若只照原數着均轉較眾人減少
亦未爲平允況該生深知愧悔自立請單央求眾人緩頰又知眾
戶增均亦請仿照辦理並請再稍擴充數將及倍以贖愆尤實係
出於情願並非稍有勉强何敢退有後言卑職因眾紳士求之至
再且細加查訪洵出真情是以允准仍將該生管押俟田畝丈收

完畢之後再行稟請 鈞示今所均田畝正在逐一查丈容丈竣
入冊另稟懇請從輕開釋增均之田實係各糧戶自知上鄉地方
斗種甚小按種計畝丈量必有不敷是以自願酌增其契紙早已
繳齊並備具切結田畝亦丈收十之七八毫無異詞實非抑勒伏
思聖田守邊原係鳳乾瀘麻眾士民生長邊隅深悉情形欲圖久
安首先創議其守望相助永遠保障之利卑職數年來逐處剴切
詳明叮囑勸諭凡遠近民戶無不聞之熟而知之深是以前此均
田二萬有餘民人毫無異說乃田步鼈等恃蠻獨抗誠如 憲諭
豈容一二刁徒阻撓致誤大局義利所不能喻不得不稍以官法
繩之迨知悔罪自新仍稟請從寬不予深究至均田一事三廳各

縣情形不同鳳屬等廳必須查明田畝糧種之多寡按數著均麻陽上下兩鄉多私墾無糧之田每有田連阡陌而糧數少者又多典當之產其糧並不推收更有妄立戶名多分糧柱者糾纏淆混其糧萬難澈底清查且因該處地廣田多只須勸諭大戶輸將即可集事若戶戶按糧核算轉似涉於科派是以一概皆不計糧攤均只確查某戶歲收租糧若干以定等差田步鼈等每年收穀極多實爲上鄉首富紳民公舉眾口僉同並不查其糧數故前稟未經聲明總之卑職辦理屯防惟與各該處紳士民戶開心見誠公同酌議田步鼈等把持違抗先行查拏嗣該生自知咎戾加倍均輸既足示懲卽予寬貸皆出之眾人公議卑職俯順輿情隨機酌

辦並不敢稍涉偏枯惟是田步鼈原議著均一百畝田嶽猷議均五十畝嗣因撓阻復議加倍雖出之該生等心願實覺爲數稍多現據委員將該二戶所均之田按畝丈收查得有山頭地角零星磽瘠並水衝沙壓有名無實者均應一一駁換卑職今會商該縣曹署令將此項駁還之田免其換補則核計均數與眾戶差相仿彷彿似屬平允此後惟有恪遵訓飭一切益加謹慎總期事歸允協邊備速完以仰副宮保大人禦侮惠民之至意肅此具稟伏乞批示

均田民苗綏輯
 九年
 鳳凰
 同知傅
 簡

稟會辦承綏廳均田民苗綏輯

嘉慶九年

鳳凰同知傅簡

敬稟者竊承綏一廳自戡定以來因汎少兵單田地被苗佔種徑
 將民戶酌徙來鳳龍山二縣外餘俱未能復業仰蒙前
撫憲體
 察今昔情形於會籌移駐廳協及查覆苗疆均田案內 奏明安
 設營汛建礮築堡酌挑壯勇二千名分布防守俾痞苗無從入邊
 強佔將田土清丈分給民勇並現住邊內之向化良苗一體屯耕
 防守以歸周匝 卑職 前於承綏移城之後因沿邊汎堡正在修建
 稟請仍遵原 奏俟邊備嚴密之日善為舉辦先劃界限次清地
 畝各等因在案茲查本年入秋以來花園茶洞一路礮堡工程將
 次全竣藩籬既固足資控制應卽清釐界址收復田地挑丁屯種

以實邊防

卑職

於九月下旬馳赴花園會同

卑職

現署浦市通判

姚興潔並護鎮協營及各委員等秉公集議查各里民地被苗佔耕有年難必無頑梗之寨不爲阻抗並恐勾串苗弁保甲假立契券隱匿田畝種種滋弊而現應挑丁二千名需田一萬餘畝須將被佔之田全數清回方可分均屯守倘矜民藉以復業爲名不顧邊防大計執持舊產紛紛混爭或已遷赴來鳳龍山混求安插私收涉訟是欲其得所而轉以滋衅俱應先爲開導使民苗激發天良一體遵辦然後持以平允庶可久遠相安

卑職

等連日傳集廳屬矜士保甲並六里苗備弁目宣示

奏案分別剴切面諭旋據

閭廳矜民業戶張高仁艾建洵吳基宋大章楊濬等環庭公懇呈

稱伊等產業本屬無糧久被寨苗佔據不能耕管今蒙固圉修邊將田土收復於各里民戶內挑出壯丁分給屯守從此黎庶皆獲棲耕之所邊疆遂有磐石之安久之民氣日強自可存立此皆

皇仁

憲德格外矜全爲閭廳籌大局地方計久遠我等何敢貪業妄

爭致罹咎戾又據上下六里苗備張子貴吳老沙帶領弁目等百餘名呈稱各里散苗佔種近邊民業弁目等不能約束以致數年總未查辦茲於沿邊密安營汛礮堡將田地清出歸公屯勇在散苗等也知普天之下莫非

王土

從前原不應佔種得蒙恩施不加追究已屬萬幸何敢仍思覬覦自取重罪弁目等情願傳諭令其退出聽候清丈如敢抗違稟請

嚴辦等情並據該衿民苗弁飲血盟誓各具切結前來察其情辭似皆實已甘服卑職等復爲議立規條定以賞罰使之互相激勸實心經理今定於初三日飭令委員得勝營知事高誠協同候補直隸州州判鄭人紀署經歷茅瑞並素悉苗情之守備李可仁千總會彪把總盧升郭金章等先自礪卡以內分段丈量再由沿邊近邊逐處清查其佔地各苗查明如係有業可歸及其人向係狡悍不甚安分者不便任其在邊俱酌賞搬費令各該管苗弁帶回原寨分別安置妥爲管束其住邊日久尙屬向化者或就近量給山地俾令墾種或卽令佃種屯田必使不致失所乃可相安其有本係民業被苗賤價當買亦卽籌款給價丈收歸屯以杜訟端一

面將應需屯丁於有業無業各民戶及素日出力之鄉勇內照數挑出務取年力強壯堪資捍禦者分田耕守以收實效再查沿邊新修屯堡十七座業經完竣已造成丁勇房屋一千間卽應派撥居住但甫經挑丁尙須團練而處處毗連苗寨誠恐風鶴驚心且清田伊始尤應防護加嚴庶免意外之慮已密調卑廳備戰練勇五百名暫赴各堡分劄不動聲色以資彈壓而消釁隙俟布置既定卽行撤回卑職等仍當督率委員駕馭苗弁一切持以慎重不敢稍涉輕率以期民苗從此綏輯鞏固屯防上副 大人體國籌邊之至意所有會議辦理緣由合先肅稟伏乞 鈞核

自茶洞以北由老石山立樹小寨等汛向東查丈使之細心稽核
仍計日集數尅期償辦旋據各該委員將各礮卡以內應屯田地
全行丈竣計獲田七千餘畝查一路屯丁二千名共需田一萬餘
畝加以將來安設屯官及歲修礮卡製備子藥辦理積貯一切等
事又有田業最多之戶尙須照鳳廳都吾等約章程酌留十分之
一此外尙有辦事總散屯頭與夫各里失業老弱孤寡並陣傷殘
廢勇丁皆須有以養贍必當另備餘田數千畝今正數尙屬不足
安能敷辦卑職等復與姚署倅並護協鎮營覆加集議此間議辦
屯田先自礮卡以內次至沿邊近邊茲內地田畝業已料理就緒
其礮卡以外者卽須乘時接辦查自茶洞以南之八排寨由磨腦

潮水溪至米糯一帶係永綏西面沿邊與黔汛礮堡一溪之隔南
接巴茅坪新立汛卡必應一律清出田土建立堡座以固藩籬而
聯聲勢而隆圍葛壠一帶緊貼花園吉洞坪等處俱係六里近邊
地方其中民田亦應查明佃給苗人耕種按年納租以資養勇卑
職於二十二日督率委員赴各該處一一履勘親向各苗剴切曉
諭均皆遵服當卽派令州判鄭人紀知事高誠及奉委苗疆差遣
之候補從九品管景牧會同守備李可仁千總會彪把總盧升外
委田宗富張國柱將米糯隆團各路田畝以次清釐查丈約計前
後得田一萬三千餘畝但各處田地俱係償緊辦理頭緒紛繁未
經細核須令原派委員仍赴各處查明應給良苗屯耕窮苗佃種

者分別撥給其係苗人賤價當買者著令呈出契紙照數給價並
劃分坵段再加復丈將田畝確數一一清出至復丈之後卽須將
田形弓口畝分及地名四至段落隨時載入底冊以便臨田比對
按碼逐卡分授各丁並照此攢造鱗冊已飭交候補訓導王占魁
同州判鄭人紀查辦卑職等於本月初七日回至花園將花園茶
洞及各處民戶逐一傳齊分別有業無業詳加挑驗連日共已挑
得壯丁二千名造入清冊刻下各處堡座業已竣工房屋亦經修
造一千間未便間曠先將已挑各丁分派安劄暫行籌給口糧並
令鳳廳練勇護送歸壘一面陸續置備器械牛具籽種及時按丁
授田屯守現今民情踴躍苗情安靖天氣清明正可督同趕辦不

任延綏卑職等仍隨時悉心妥議務期民苗相安仰紓 慈廑所
有丈收田畝及分別償辦緣由合肅具稟

稟永綏廳清出碇卡以外屯田安插良苗耕種

嘉慶九年

鳳凰傳 同知 龔

敬稟者永綏清出屯田其在碇卡以內者分授勇丁及久居邊內
向化良苗屯耕如米糯墜圍等處雖係沿邊近邊究在碇卡以外
勇丁不便往耕仍佃給苗人承種交租所有碇卡以內佔種田地
之各寨苗人原議酌給盤費交苗弁領回原寨分別安插旋據各
該苗弁等稟稱發回苗人內有本寨並無產業者若聽其間散勢
難管束且各寨皆有苗種民田擬令各苗與之夥同耕作但弁等
傳諭不能遵行發回各苗亦不敢遠種即令往耕必致滋衅惟求
履勘分撥方能相安

卑職

等查各里地方民田甚夥現在雖係散

苗佔種每每互相爭奪本無常主且有力所不及拋棄荒蕪者自應爲之清釐作爲官田令發回苗人與本寨窮苗分種不惟現今回寨各苗可以安業而一經官爲分定卽本寨之人亦免紛爭且土塘苗兵將來屯防完竣卽應全裁其中無業窮苗必須妥爲安頓亦當乘此預畱地步而各苗旣種官田仍與苗兵無異設遇緩急亦可調用實屬均有裨益卑職等於查勘米糯隆圍之便先將五六里地方清出令苗弁等將應歸該二里苗人一一安置其七八等里距邊較遠現在遴派最熟苗情之知事高誠守備李可仁把總盧升等前往逐寨體察總期經理妥協苗眾情願可以行之久遠仍令各苗飲血具結後卑職等再行親往慎重查辦肅此具

稟伏乞

批示

稟辦保靖縣均田情形

嘉慶十年

鳳凰傳 同知 龔

敬稟者竊苗疆均田屯勇固守邊陲歷奉 鈞札飭將各該處未均田畝趕緊清丈分撥鄉勇歸屯造冊 奏咨立案以垂久遠等因在案 卑職 前於 永綏丈收田畝足數經委員挨順屯卡次第分授勇丁翻犁冬作暫可分身所有保靖未均之田應即就近舉辦以期迅速查保靖縣境內自保安汛至萬巖溪止共碼卡四十餘座分布屯勇三百名應均田一千五百畝雖為數無多須令該邑士民公同妥議方歸平允 卑職 於正月初旬率同委員經歷高誠署乾州廳訓導王占魁等馳赴縣城會同 卑職 傳集各都衿耆鄉約曉諭均輸令其自議章程旋據貢生李定中廩生吳勳太監生

米世治生員向子鳳李上級武生吳大位余成祥職員陳基耆民羅正壽及各都里甲首人等合詞呈稱保靖一邑共計一十六都界連乾永逼近強苗前此慘遭蹂躪除七八兩都本係苗寨六都半係土民得以免害外其餘一十三都莫不蕩析離居戡定以後尚猶被其荼害自蒙 奏明於沿邊密修碉卡鞏固藩籬各都居民迺得共安生業又蒙俯念山多田少僅令均出一千五百畝卽於本邑挑丁充勇守邊自衛實爲閭閻切膚至計敢不踴躍捐輸今公議先將閭邑有田之家據實開報憑眾核其產業多寡定以甲乙等差凡實係田多大戶擬均水田二十畝上戶擬均八畝上次擬均五畝中戶擬均二畝中次擬均一畝其餘田少下戶僅敷

養口而無餘力者概行免均仍請於本地出力鄉勇及沿邊無業壯丁內詳加挑選授田歸屯但均出之田旣於閭邑分攤內有距邊較遠者丁勇駐守礮卡不便往耕必須標給民戶佃耕分租計一年所獲穀石不敷支給丁勇口糧今情願於 奏案一千五百畝外增均二百餘畝以資貼補等情並據酌定上中各戶次第開列清摺前來 卑職 等查其情詞甚爲真切查單開各戶田畝係核計歲取籽粒爲准其於閭邑富饒之家公定均輸之則旣不致畸輕畸重稍有偏枯卽一戶之中亦僅略分餘業而資捍患利賴實多洵屬比戶樂從眾擎易舉第應令各將已業水田呈均不得以瘠土當產充數庶不致有名無實該勇丁所授田畝俱以各都寫

湖南直隸中正者 卷六
這佃種分租收成僅獲一半自不敷一歲之糧且一切春耕秋穫
催收稽查等事尙應設立屯官責成管理方經久遠該士民等深
知練勇防邊必先足食呈請增均田二百餘畝誠爲綢繆固圉周
匝靡遺俱應准其所請卑職等當於縣城設立公所議定條規遴
選明白誠實衿士數人隨同委員經歷高誠訓導王占魁把總吳
正廷等實力承辦先由近城開丈次及各都適瀘溪胡令因前署
保靖縣任內有承修邊工到此儻催該令熟悉情形民苗愛戴並
囑其率同委員稽查考核務收實效概不假手吏胥以杜弊竇又
查報均各戶內有現任營弁及入伍食糧者經護參將守備許望
文會同委員先行丈量士民更爲允服兩月以來已據委員稟報

丈收足數卑職等現與許守備馳赴沿邊查閱碼卡挑選勇壯各
丁分駐屯守並一面督率委員僭辦牛具籽種鎗械及勇丁房屋
倉圈以期安速蕙事仰副 大人籌邊衛民之至意除俟分授認
佃造冊完竣彙案具詳外所有會議均田及均丈足數緣由合肅
具稟

諭旨宣讀並傳述 大人鈞諭無不感畏 恩威同深悅服即鳳屬素
 稱狡悍寨落亦皆革面洗心將前佔田土紛紛呈出稟請一律丈
 量其相距較遠之寨復恭錄
 聖旨出示曉諭一面派委諳練員弁帶領苗備弁目及弓算書手等分
 頭清丈已據丈收四千餘畝情形極為踴躍查乾州均屯尙不敷
 田三百畝當即馳往率同褚丞等補均以足三千畝之數並據委
 稟屯田全數均足並丈收古丈坪苗繳佔田 嘉慶十年
 道 辰沅 傅 鼎
 敬稟者竊 職道 於月前旋署後即據各廳縣苗備弁目齊集扣見
 當將 撫憲 奏奉
 諭旨宣讀並傳述 大人鈞諭無不感畏 恩威同深悅服即鳳屬素
 稱狡悍寨落亦皆革面洗心將前佔田土紛紛呈出稟請一律丈
 量其相距較遠之寨復恭錄
 聖旨出示曉諭一面派委諳練員弁帶領苗備弁目及弓算書手等分
 頭清丈已據丈收四千餘畝情形極為踴躍查乾州均屯尙不敷
 田三百畝當即馳往率同褚丞等補均以足三千畝之數並據委

員王覺千總張聖模丈收苗繳佔田五千餘畝現尚接續清釐至古丈坪應均田五百畝先經職道札囑廳營妥辦茲據同知李丹山都司鞠申鰲轉據士民造冊請均職道親履察看該士民頗知向義已如數呈均復有該廳所屬苗備石把七帶同弁目呈出田地二百二十畝據稱弁等雖係苗人久居邊內籲懇一體均田等語職道查該苗備寨落無幾是以前次稟奏案內未經議及茲既據呈出田畝又現設有土塘自應一律挑畱苗兵以資捍衛職道當即委員開丈造冊於本月初二日由龍鼻嘴一帶查催碉堡工程行抵保靖督率委員高誠王占魁等儼辦分田建倉事宜守備許望文等又收佔田一千六百餘畝此時苗人倍知向化將從

前隱匿者全行報出俱令補丈入冊不使稍有遺漏職道擬於日內馳往永綏籌辦未完屯務仍當恪遵奏案並恭奉

諭旨

將繳出田畝及此次叛產劃明畛畔分別收租約束苗備等不得藉此擾累強令各寨苗人一概派出並隨時甄別苗備弁目及挑畱精壯土塘苗兵以收實效再職道此次查辦沿邊屯防凡遇民苗交涉事件即督同該廳縣秉公審訊倘居民內有懷挾舊仇混控苗人希圖拖累者立予重懲並嚴禁胥役不許入寨滋擾務於緩輯之中持以公允俾邊隅永慶又安辰下苗疆雨水調勻禾苗暢茂民苗愉悅堪以仰慰 慈懷除將各廳縣士民均出田畝及苗繳佔田分別趕丈造冊另容申報外所有屯田全數均足佔田

安速丈收及趕辦一切緣由合肅稟 聞

臣等查該州苗疆各廳縣所轄苗人悍多馴少自本年春間擒剿
永綏積惡匪寨之後遠近各苗懾威帖服呈出強佔田土作為官
田分給窮苗佃耕納租以資挑畱苗兵口糧經蒙 憲臺奏奉
諭旨歸於均屯經久章程彙核辦理復經 憲臺附片奏請飭行安辦
各在案 職道 遵卽出示曉諭遴派委員率同苗弁將各寨繳出田
土分頭丈量統計先後清釐共丈收三萬餘畝又從前及此次各
逆苗叛產逐一細查亦已清出五千餘畝共三萬五千餘畝應一
並分授無業窮苗及挑畱苗兵領佃承種照依原議每年田畝令

稟清出佔叛田土足敷苗兵支食並甄別苗備弁

嘉慶十年

辰沅 道 傅 鼎

敬稟者竊照苗疆各廳縣所轄苗人悍多馴少自本年春間擒剿
永綏積惡匪寨之後遠近各苗懾威帖服呈出強佔田土作為官
田分給窮苗佃耕納租以資挑畱苗兵口糧經蒙 憲臺奏奉

諭旨歸於均屯經久章程彙核辦理復經 憲臺附片奏請飭行安辦

各在案 職道 遵卽出示曉諭遴派委員率同苗弁將各寨繳出田

土分頭丈量統計先後清釐共丈收三萬餘畝又從前及此次各

逆苗叛產逐一細查亦已清出五千餘畝共三萬五千餘畝應一

並分授無業窮苗及挑畱苗兵領佃承種照依原議每年田畝令

繳租穀三成山地繳雜糧一成五分飭取租佃認狀造冊存核查
苗地跬步皆山所繳田土半係磽瘠以上中下等通盤牽算綜計
三成成半之租每田一畝應繳稻穀八九斗每土一畝應納雜糧
四五斗以三萬五千畝各半田土中歲可收籽粒二萬二千餘石
今秋幸值豐稔可期如數交納其各廳縣土塘苗兵擇其年力精
壯素習鎗矛者已共挑畱六千名每名歲給口糧三石六斗卽將
前項稻穀雜糧均勻品搭按月支放每年計需二萬一千六百石
核之所繳籽租尙敷給發苗疆秋收稍遲擬於九月間納租全竣
查明實數起支挑畱苗兵口糧卽稟請核 奏全裁土塘工食以
節糜費

職道

昨經周歷三廳保靖各寨體察苗情倍形悅服已諭

委員協同苗弁於寨落適中之地悉心履勘趕建倉廩每苗守備
一處視上租之多寡或數間或十數間不等諭令苗人就近自運
木料官給工價興修以資收貯不任延誤並卽挑派殷實苗戶幫
同該苗備弁經紀管理互相稽查以專責成而嚴覺察統於九月
將佃戶苗兵布置妥協分別造冊申齎 憲案至各苗備弁俱有
約束散苗之責且將來管帶苗兵稽查緝捕並各苗佃戶繳納租
穀收貯倉廩支放口糧一切交辦事件頭緒紛繁必須誠謹急公
明白曉事素爲眾苗心服者方足以資經理今查原設各苗弁雖
不乏奮勉出力之人而其中或年已就衰不能奔走或素性狡猾
遇事觀望或譎詐營私藉端牟利未便稍存姑息致有貽誤

職道

現已會率鎮協廳營嚴加甄別按名革退飭令各苗備弁另舉誠實妥協曾經出力之苗目遞補各遺缺由各廳縣分案詳請驗放更換割委條記以杜濫冒知蒙 憲厘合將清出佔叛田產計數收租足敷挑畱苗兵支食緣由肅先稟 聞尙有未盡事宜統歸均屯經久章程彙案另詳仍當隨事隨時恪遵 憲訓於綏輯之中持以平允以期永遠乂安以副 大人體

國籌邊之至意肅此具稟伏乞 批示

再稟者各寨佔田苗人震懾威稜不能耕種陸續呈繳歸公永綏除丈收田一萬餘畝外尙有續行清出者乾州已丈出五千餘畝保靖縣一千餘畝現在督率委員苗弁保送無業良苗均勻分佃

取具承耕結狀該各良苗因無業而得業且標種分租令其只繳十分之三自取十分之七無不歡心鼓舞情願各按寨落守路當差其土塘苗兵聞知畱防全撤時仍得挑畱分給租種不虞乏食更聽呼喚尤爲得力鳳凰廳所屬各寨已據苗弁開造田冊聽候丈量因 職道 甫經返算尙未查勘一俟會合護鎮督率廳營及委員查辦即可丈有成數趕緊分授辰下體察苗情倍形帖服似已辦有成效請勿上厯 慈懷肅附稟 聞

給苗人原議分給無業窮苗耕種惟當日未經查明授給悉爲強苗侵霸窮苗仍未獲稍沾餘潤今將永綏積惡匪苗石宗四等勦擒辦理遠近寨苗震懾兵威各將從前侵佔田地繳出歸公懇給良苗並請酌納租穀雜糧以充公用

職道

等前據苗弁呈稟出於真誠並密訪各寨聞風悅服爰卽公同詳議恪遵前

旨請將清出之田仍與無業良苗耕種正期安置窮苗使之得所並非

另佃富強之戶惟窮苗中有遊手好閒不諳耕作者前經奏明挑充土塘苗兵給以工食以示羈縻雖經

職道

等駕馭苗弁實力管束教以開山種土自爲謀生節次裁退現尙存九千九百餘名一經畱防全撤工食停止伊等概不務耕耘卽分給田畝勢必私

行典責仍爲強苗所有轉致失業無依難免日久不聚而生事且苗兵分派苗弁管帶其勢散而弗聚一切巡防緝捕該苗弁藉資呼應可以管束散苗甚爲得力不若仍請挑畱以資捍衛卽將前項租籽以供贍給則不致久糜帑項况一經清丈均勻分佃卽爲造冊立案非惟並無偏枯並可永杜爭佔而田經官爲分授卽與在官佃戶無異均聽約束設有緩急除苗兵本聽調用外所有種地苗人亦皆各聽驅遣是分佃收租旣收以苗養苗之效並寓以苗制苗之法欲期久安舍此實無他策是以

職道

會同鄭道具稟鈞案一面

職道

帶同苗弁赴省出具切結經

阿撫憲體察輿情

奏邀

湖南高陽中正老 卷六
聖明鑒允在案恭釋

諭旨從前查出田畝俱爲強苗侵佔並未分給窮苗該苗民本由強佔而得此時懾威呈繳自應畱備兵精等因是已蒙

宸衷鑒察睿照無遺今又蒙 奏明飭行安辦職道等惟當欽遵

聖諭恪循 憲訓督率委員苗弁妥速經理務使公允咸服以期邊疆

永靖上慰

聖懷而紓 慈厯所有奉 飭遵辦緣由合肅具稟

